

靜廉齋詩集

卷十三之卷十六



05459

靜廉齋詩集卷十三

輓句山前輩

辛卯

仁和金

姓雨叔

書堂絕跡陳公隕老淚驚隨杜老潛戀闕重來應死報

臨歧小別憶生還

已丑假歸會
有詩送別

俸錢空沐

恩波厚入直

未補 特旨給
俸竟未及領也

子職翻愁祿養難大錯鑄成違勿藥此

身那得石同頑

青青衿佩記論交簡髮相看白到梢縹緲三天容接武

棲遲一壑共安巢深杯測隱超占卜險韻爭奇類劫鈔

豈意風流今頓盡應從禪理驗浮泡

靜廉齋詩集

卷十三

一

哭同祖

人種纔延一綫危敢誇長大稱家兒待看就傳明年事

留得含飴異地思生日那堪惟祖在死期還怕遣耶知

東裝草草都如夢愁絕征途夢斷時

得三吾寄弟詩疊用其韻示之

子舍兼官舍都如傳舍過正緣干祿切時覺望雲多珍

重春暉影迷茫宦海波中廚元有米於汝意云何

掌珠聊把玩石火屢驚過捧檄殊非急含飴不厭多重

占璋協夢蚤遣鷁浮波牛女仍相望孫枝茁幾何

典司惟秩祀扈蹕岱宗過翹首南歸近關心北望多驥

衰慙識路魚化借騰波得失應先定無煩喚奈何

汝弟牽塵務絲棼不啻過科名愁徑仄門蔭祝 恩多

未免疎黃卷偏教憶綠波荆枝共春日榮悴竟如何

我昔曾持節觀風粵嶠過奢華成俗久貨寶蕩心多好
作中流柱休隨東逝波律身家法在寧待引蕭何

題遙參亭

王母益虞圖元女授軒籙自古重神仙陽每爲陰伏將
母肇胚胎先天地生育山谷牝牡分賦形男女足神道
本自然強名嗟已瀆無名混物始禮秩黜標目神遂享
鴻名揚靈仍錫福惟應致崇奉寧待詳氏族元君諒仙

靜康齋詩集

卷十二

二

宗寄治東方嶽大德衍資生仁壽慶彌篤降香邀 萬

乘躬奉 安輿祝嘉祉應延洪九有恩膏沐平生登岱

志老去竟縮胸稽首遙參亭慈容欽醉穆却思梳妝院
未免褻瞻矚升階尋壁畫炫彩特華縟誕降洎成真不

知何代錄悉達與觀音大略做遺躅流傳誇聖蹟列肆

刊圖鬻朝山羣購取尊信豈嫌躪我意晒無稽繕治宜

摧剝仙官返清淨觀德乃彌肅沈吟推象教頗足牖民

俗羣情久傾注徼福從善速 二氏瞰其微繪事巧相角

濫觴起騷人天問原荒邈丹青留俗語指摘轉煩數神

聽似和平靈風迴繡幄

謁岱廟

青祇主東方時邁首述職靈昭產物聖位協安仁宅金
天乃司刑木正惟宣德我

皇普懷柔岱宗優長伯祠官虔秩祀銜命陳香帛神心
通肸蠭膚寸驗觸石甘霖契默禱千里沛膏澤福應旣
旋臻蕃釐諒多益重闈幾登降僂僂自屏息翹瞻天日
表心肅首還抑古稱靈威仰鴻號豈虛錫踏階東西走
對宇修廊直羣神謝雕塑設色繪滿壁七十二司聯貴
亦王侯敵文書各堆案一一嚴考劾非刑或春磨輕罰
猶斬磔春生用秋殺神理寧反易沈思亦有以刑德相
靜廉齋詩集 卷十三 三
輔翼民風慙古若冥報猶悚惕泰山傳治鬼魂散攝其
魄府君洎錄事晨夜理符檄岸獄藉分蒿里接咫尺
此典列儒書流傳先道釋鬼神佐王道幽顯同糾慝禍
淫斯福善偏陂總歸極陰陽良可徵傳會適滋惑震本
長男官神詎無冢嫡遽託姓名傳炳靈陪廟食斯人出
何代紂絕陰天黑荒誕作神羞倘亦秩宗責祀典幸無
濫不足煩指摘神叢蟠古木歷載動千百兩大特標奇
唐槐追漢柏人誰如汝壽爲植長生域卽物悟栽培自
得神明力

亞聖位分獻恭紀

南北行瞻 亞聖祠卽今何幸侍天儀香升未覺堂階峻居近會無几席移四配傳來成絕學七篇誦處凜嚴師寸心但解存私淑待後先期勵有爲

敬題 宗聖廟三省堂四首

鑿停闕里表尊師銜命升香 宗聖祠南武佳城傳舊

碣廟在嘉祥縣南武山之陽墓在南武山西南元寨山之東麓明成化初或陷入穴中見懸棺其前石碣鐫會參之墓碣後流落被毀重建改題邨國宗聖公之墓 東山秀脈認分支來游同

應麟書瑞宗聖家於武城卽子游爲宰之地今東昌府屬之武城縣當時非魯地也其墓則在南武城武城卽鉅野西狩獲麟亦在於此金置嘉祥縣蓋取諸此焉 繼起還扶鳳德哀欽仰

三朝宸翰重斯文光顯日星垂

靜康齋詩集

卷十三

四

喪子痛罷嘸宗子道統危于絕續初貫一特傳明有寄省三精習信無餘見知運協千年聖啓後功全四子書思孟同堂長配食居然坐奠兩楹如

傳經惟孝古今稱家學偏宜善稟承沂水春風元浩浩臨深履薄自兢兢守身直待全歸免養志應從不辱徵

千古萊蕪崇廟享

父皙自宋封萊蕪侯廟在宗聖廟西

逮存仍喜共嘗蒸

睟容端冕几筵開仿佛巒宮釋奠來黃紙瞻文尊制詔

青衿襄事潔尊壘

執事諸生多族姓子弟

禮儀職忝祠官供紹述

功期賢裔恢先子當年馮魯得於今莫負育英才

臨清感舊

棣萼感兄弟嚶鳴懷友生人倫適不幸二端畸重輕厚
薄苟無序恩怨亦失平我昔困蓬轉正類偏枯荆故人
偶招致單舸來臨清遠惟蘭譜契益申車笠盟師友義
兼切相與期有成寧知樂豪舉不念高臺傾顧盼殊自
得諛媚紛承迎閒情耽女蠱不飲如中醒風流佳公子
虛幌明孤檠發冊舊病作課文匱鼎呈我時慚失職規
切顏常頹負人人負我太息仰屋瞠未能見幾作潔己
聊硜硜取疏終自辱決去無留行分手十五載盈虧虧
或盈客主頓易位責報騰惡聲自反故無歉何至裂眼
爭促坐爲款語不平毋妄鳴官方蚤檢飭意外誰彈抨

靜廉齋詩集

卷十三

五

驕兒誠就範頭角還崢嶸身名本俱泰林壑勝簪纓有
謀都不用我實無愧卿鹵莽作抵突酬答慙瑤瓊徒償
脯脩直幸非逋負羸聞義尙知服何策補黥黥舊意總
教盡活計終難營淒涼身後事遙聽神爲驚子姓半飄
蕩誰復籌墳塋試爲封馬鬣詎必傾金籬喪主顧何在
念此空怵怵論交醜隙末羣聚同鸚猩浮雲雖善幻舊
雨宜滋榮向無一枝託行跡彌躡屐匹如墮水客浮木
方前橫因依還傍岸不減孤舟撐在彼匪施惠於我良
有情忘怨却思德風雅無無譏評言從漳濱役往事迴腸
縈若教訪權署一子留空杯鼇頭竦形勢彷彿孤游鯨

周檜引唐槐終古凝菁英柳林眠起倦姿態先秋更濡
毫杼感愴簡外聞哀箏不須悲宿草陳根方待萌及身
儻未了兒輩明吾誠麥舟有成例弗煩厥考令

和陸治自題所畫綠牡丹韻

國色圖成擬出藍新陰漸滿繞叢看鏡奩應借青瑤映
舞態誰憐翠袖寒桃熟三千遲取醉城開十二稱憑闌
還將佳兆貽矜佩富貴先霑九烈彈

葛山先生席上詠蔗蟬

刈蔗留根濕生蟬動狀如
未蛻之蟬但小僅五之一

耳聞俗燭以侑酒劇
有風味因系以詩

餘甘留蔗本生意寄蝸宣迴勝蜨丸潔行隨蝶夢仙高

靜廉齋詩集

卷十三

六

情戀風露小劫墮熬煎佳境空拋却誰看羽化先

七十初度述懷二十首

各首自注生平梗概以當
年譜俾兒輩知之

八袞翁留萬里程嚴親扶持竟歸耕孫曾自足娛重慶

子母何堪痛再生幸屆成童看樹立仍期擢第備科名

卅年轉眼終虛度慚負椿萱久待情

先祖奉直公於康
熙庚辰以師宗牧

請老年七十七矣先府君資政公隨任十年待奉歸里

○壬午八月十五日姓始生先大兄生長男實先於姓

後殤姓生時母子俱絕而復蘇先太夫人既憫產難又

苦多病常祝願得見姓至十六歲即願足矣及姓於癸
卯幸獲鄉舉堂上並康彊無恙屬望轉深豈知躋登公
車年踰三十尚不得第甲寅丁巳遂曼遭閔凶抱恨終
天曷其有極

黃髮林泉愛日遲童孫偏許侍含飴六如偈聽香燈畔

千字訛拈課誦時餘慶合邀清白報聯科預遣弟兄知

七年前記瞻芝鵬洪氏松毬未足奇

先祖林居十載壽八十六考終於諸

孫中特鍾愛性每食必待先祖一生虔誦金剛經姓自幼識之就塾始讀千字文先祖常蚤晚教課先祖歿於己丑四月辛卯科榜發之夜大兄夢先祖趨入館舍含淚撫之曰我適看榜來可憐汝又不中大兄哭請宥舍中時否口但得同弟入場汝即中矣餘語尚多兄私不洩庚子姓勉強觀場兄果得雋○祖墓在青芝鵬松結大毬徑數尺乾隆乙酉冬省墓始見南宋

洪容齋兄弟先塋實有此祥見毘陵志

移家北郭未全貧奉杖逍遙別墅新竹徑萌抽參玉版

桂叢香滿候冰輪資生尚有田園在督課常教燈火親

象勺舞來真最樂頗聞詩學及茲辰

康熙乙酉先資政奉先祖移居武林

門外長板巷姓時甫四齡先資政好詠詩自幼教識平仄十餘歲時亦解覓句

靜廉齋詩集

卷十三

七

營喪終訟日淒清今雨原非舊雨情自有塾師徒煖席

遞傳家學幸難兄同依夏屋時維戊催上春官歲在庚

三載幾會留卒業甫踰弱冠浪成名

先祖歿時生計已薄先資政營產營

葬復因花市典屋勒買構訟家業遂盡今雨堂之名先資政徙宅時有慨而寄意焉故姓至今不敢易○丁酉以前家日落而業亦荒戊戌從先兄讀書范氏叢碧樓始識作文蹊徑自兄庚子會試後奔走四方姓未得卒業癸卯遠領鄉薦殊可愧也

蚤緣中表締嘉姻菽水還能助食貧但覺尊章添愛女

可知子婦奉慈親魚軒象服榮斯稱雨散雲飛恨莫申

同穴那堪增悵望淒涼四紀滯湖濱

元配王夫人其祖與先祖為友婿夫

人余表妹也康熙壬寅來歸雍正丁未遭產厄厝湖上者四十五年矣

玉琴絃絕韻難調鳳觜眞應倩煮膠愁遣寒機中幅裂
博將嘉穀滿城拋兒曹半恃持門重女伴都無出柵交
耆壽早蒙君舅許占年何待索瓊茅繼配胡夫人己酉來歸余壬戌擢第
郡伯邑侯循舊例請登城撒穀一時傳爲盛事○夫人燕見舅姑先資政偶感前事視之日將來且活六十歲今亦六十八矣

埽空舊宅換新阡家覺潛萌劇可憐荆樹頓看榮復悴
雁行差喜斷還聯永懷鞠子推恩久無那癡兒賦質偏
景涉桑榆寧遠照尙留愁擔後人肩己酉大兄由保舉發湖廣試用得官後議售去湖墅舊宅復遷入城自是繼丁內外艱家事將興復替

江深漢廣置杯膠山左聊堪作繫匏隙末未能蠲俗態
靜廉齋詩集 卷十三 八

有初良足拯貧交寧知雁陣留孤影重過鼇磯認舊巢
太息河陽花事盡幾時宿草茁新苞姓自己酉楚游不就館二東同年潘雲麓隴司馬監稅臨清往來最久情意頗厚後忽因督課嚴急失歡迨姓甲戌視學安徽潘投老罷官尙來苛責旣歿而後人潦倒殊甚今春扈從東巡重過臨清會作長篇弔之誓爲營葬顧未得所付託也鼇頭磯者臨清地名

誰將騏驥望駑駘責善承聞本禍胎乍喜珠明期有定
縱非蘭秀肯教摧臨文蚤痛傷心賦弔古寧忘思子臺
怪得孫枝生意少忍占兒齒壽徵來悼長男三事以非命終此余一生大

有兒難守一經傳捧檄低顏嶺海偏老我不須資祿養
缺陷事不
忍諱也

愛民惟在廣情田循良偽託猶編史忠信堅持可涉川

治諧久留會大父戴星時省柱間聯先祖作合收時常題柱聯云報朝廷

某事榮祖父某事惜百姓幾分留子孫幾分次男三吾捧檄粵東謹錄授之

春秋鎖院染丹鉛辛苦猶能記昔年馬勃牛溲元並售

紅鸞白獸豈先傳莊園自可安荒落要領終須慎棄捐

每向尊前語同志樛材寧止得天全甲子典試廣東丁卯順天分校壬申

春典試江西癸酉典試山西甲戌會試分校

洪都灑嶽兩衡文水鑑元從清濁分不改清心滌塵滓

何難秀質擷芳芹游觀少樂徒增擾膏火潛銷豈報勤

未識步趨行我法鬢宮還應鼓鐘聞甲戌至丙子督學安徽丙戌至戊子

靜廉齋詩集卷十三 九

督學江西凡學使游觀名勝必重為地主費且冠蓋承迎了無瀟灑登臨之樂性所至從不紆途棄日便道舟車所過悅日賞

心已有餘矣

同年隔面任譏褒古誼惟應寄我曹只恐乘車輕戴笠

常將後笑恤先號談諧正取宜風月投報寧須問李桃

贏得人傳壬戌派朋歡猶得齒賢豪同年中外無間患難相周真率之會

殆無虛月席間必分取果餌歸給童稚時多慕效戲稱壬戌派云

家法 熙朝豫教嚴細旃終日理牙籤詩文聊附傳經

及德業真從養正兼秋實春華先自審金昭玉粹盡同

瞻回頭十五年來事祇愧天廚賜饌霑丁丑入直尚書房

西園飛蓋限同游絡繹詩篇任倡酬峻望那堪追賈董

清詞猶欲擬枚鄒每慙燕石重函啓旋喜隋珠滿握投

馬齒卽看邀祝願十年兩度錦囊收皇子年長者別居西園 諸位皇

子尤敏於詩每有倡酬應接不暇皇四子嘗與姓共

疊打字韻五古各得四十首姓辛巳六十及今年生日

荷諸位皇子皇孫皆有詩見祝

憶從水觀倚樓初秀挹皋亭翠靄餘負郭有田元絕想

立錐無地孰休居聊憑傳舍供遷轉還挈穹廬任卷舒

作繭未成嗟已老莫嗤戀棧忘懸車水觀樓在湖墅舊居東南隅俯臨河

渚遙望皋亭先祖禪誦於斯先資政樂志幽棲者

三十餘載姓服官三十年杭城迄無一椽之居

鄉里論交幾輩差誰教窮達總天涯新圖尙憶題松靄

舊雨頻憐謝藕花風月開樽同隔世湖山埋骨始爲家

靜廉齋詩集 卷十三

八旬幸有陶軒健昨寄霞賤細字賒歲在癸亥家江聲兄曾以倪穉疇前

輩所畫六憶圖屬題愚兄弟皆有題句圖中一幅寫讀

書靈隱松靄山房景姓昔年亦嘗與汪水蓮先生家元

美兄游息於斯時皆已化去詩意感慨係之今先兄暨

江聲穉疇俱久歿圖亦燬於火○康熙壬寅姓與友十

八人聯文會於藕花居十八人者何孝廉鳴世姚瑞吳

中翰子廉國諤吳副車春郊景任太守處泉應烈孫副

車介斯會視錢中翰蒼益在培汪孝廉履順金城汪太

守介純宏禱梁侍講疏苑林啓心杭編修堇浦世駿梁文

莊相國詩正王教授琬華瀛洲族姪司曉赤泉陸孫銀
臺虛船灑陳銀臺句山兆崙裘編修滄聲陸陸孫科
賓之秋及姓也今惟姓與錢杭在○姊夫王陶軒涵
今年八十近答姓祝壽札紅紙細書不異少年手筆聞
耳聾復聰健
步不須扶杖
南人使馬本緣慳先子當年罄控嫻執御莫傳懲泛駕
看花得路想開顏時來芻豆元非分老去馳驅遂不閒

大獮受降王會盛且隨立仗出天閑

杭俗畏馬兼薄騎馬者先府君久在

滇南馳騁既爛且善相馬後恐馬逸衝人閒居遂常以爲戒姓至己酉庚戌冬春間自楚入都始解騎馬臚唱後例得乘馬歸第先君已棄養九年矣○今歲隨駕木蘭值土爾扈特等部歸順來朝

圓顛那得現方瞳修短憑分百歲中寶齋精神差耐久

激揚意氣敢爭雄齋前未伴支離叟鞍上聊充矍鑠翁

從此幸能如祖壽得孫猶及見成童

行年七十僅有一孫小名同祖亦以

中秋生也正月復瘍欲如姓之侍祖寧可冀乎

龍章載錫荷 恩光家慶應隨 國慶長南極重開週

甲算西池正晉萬年觴蓬瀛仙侶人惟舊典禮春官職

更詳九老如聞許承乏香山圖畫待傳芳

辛未於贊善任內辛巳於

靜廉齋詩集

卷十三

十一

詹事任內兩遇覃恩封及父祖今年恭遇覃恩竊擬地封曾祖父母未知得如願否○香山九老現任二品以上文臣班內初擬以姓備數尋額溢不預

萬樹園 賜觀煙火恭紀

萬樹花明火樹開仙韶曼奏翠華來層霄乍列周天宿

廣野旋奔殷地雷震耀本堪申武節陽和直似放春回

時蕃部及新降皆預 獮禽藉展懷柔義點綴聊憑百戲催
布庫秋千舞燈
及回部綠竿戲法穿狹緣梯走索踏缸弄盤高麗筋斗等百戲間作

赴園獨直寓禮部朝房作

星官留獨坐

皇六子侍皇太后留園

講席擬分司水落荒園圮

冬閒列署移容臺尋履迹經笥寄燈帷偃僂循牆便直

由內閣繞南書房後至福園門皆沿官牆東去
委蛇退食遲檐牙送禽語窗影
颯風枝遠役勞筋息幽棲僻性怡答書聊簡折餘事卽
詩隨顧影殊增戀徒賒一月期

奉

命祭告南海恭紀

慈慶覃敷祀典崇龍香遠降祝融官禮官率職乘輶出
聖主垂恩錫福同十二月二十八日出都先一日仍蒙恩賜福字老去圖南

無壯志春回極北引祥風卅年重向會游地彌愧漁洋

詩句工

甲子使粵今廿八年矣王漁洋康熙甲子使粵有南海集故云

靜廉齋詩集

卷十三

七

靜廉齋詩集卷十四

仁和金 牲雨叔

望雨 壬辰

彈冷良易飽魚目總無鱗不厭風塵困惟愁雨雪慳田
功非使職歲事共民艱何日征衣濕春泥點碎斑

過包孝肅祠以日暮不及謁

包公讀書處亭沼重完葺暮景迫遐征清風遠相襲我

昔校文時鄰祠嘗拾級

廬州學署有包公祠嘗瞻禮遺像相傳爲公讀書處卽香花墩

也遺範仰河清如室頗容入嶽嶽愧風稜硜硜期介立

回頭將二紀一意守所執誦法倘終身臣年亦七十

靜廉齋詩集 卷十四

舒王墩

謝公邱壑久徘徊千古風流土一杯尙有荆舒爭地界
那教人不覲碑材

桐城輓姚南青

同年幾個恰同庚每過龍眠唱和成今日重來披宿草
自憐猶探嶺梅行

黃梅感詠疊壬申舊作韻

香信遙傳嶺上梅楚疆重遣陟岡來吾兄當日眞名士
失路空勞試吏才巢燕尙憐黃口哺原鴿又見白頭催
公程莫趁還鄉便如聽家山松吹哀

九江喜雨

兼程趨九江雲陰占改色中宵或斷渡奮飛乃無翼豈
知蒸潤速暮雨遽來集江豚伏不動放棹穩如席起望
琵琶亭冥濛煙霧隔列炬到江城脫將新着屐冠蓋迭
承迎謁入不容息常談先勞苦卽事慶膏澤南北雨暘
殊更請述身歷我從淮北來未見芳草碧自過合肥城
間逢蔬圃闕北峽控舒桐依稀抽宿麥青蔥雜蕉萃百
一豈相敵入春已兼旬生意何艱澀惟待沐雲油頓教
發土脈氣機欣乍轉孚甲應時坼志喜實同心扞手共
加額送客繞庭階簷溜隨衣滴燈燄久含青尊開獨浮
靜廉齋詩集 卷十四 二

白隔屏聞竊議羣僕如鼠啣衣襍厭泥沾馬蹄防石路
我聞嘆且笑當喜反增惕不知稼穡艱此曹安足責占
需未占解還恐不終夕投牀聊引枕疲極轉酣適鄰雞
催喚起缺月正側匿偉哉造化功闔闢誠不測行旅與
田家一舉兩饒益促駕入廬山山容新洗滌

廬山卽目

度嶺已登峯緣溪尋入谷一重復一掩巖壑藏衍沃山
情環抱密水脈灌輸足生意久含滋萌芽待時伏迎春
俄奮迅括動自飛鏟我來欣乍見秀色如可掬菜畦黃
蝶翻麥隴碧簪簇天然增絢爛歲事卜成熟桃李逞妍

姿詎堪資果腹宵來雨未透那得發生速應知土膏厚
不假天漿灑得雨倍芳鮮美鬢值新沐幾度到廬山或
向東林宿未探繡谷花莫聽銀河瀑卽此十分春征途
良悅目絕勝大江南沈吟准以北

舟次戲書

肩輿閱三旬趺坐學持誦今朝解禪縛聊借一葦送篷
窗敷臥具無夢悟如夢佛子疲津梁豈真關脚痛穩睡
到齋時隨緣還受供廬陵米價高問取亦安用行行贛
石近灘號記惶恐爲語娑竭羅雨點莫拈弄

自萬安至烏兜驛

靜廉齋詩集

卷十四

三

魚梁城外路山勢夾江長雨歇憑帆卸沙平待笋將畏
途辭窟窟紆道認羊腸上界重霄徹中流入陣張林端送
時出沒峻削少包藏上界重霄徹中流入陣張林端送
飛旆壑底望危檣激響真如沸遙聞亦爲忙凌風繞雲
棧隨水下溪塘未免垂堂警終無入坎傷烏兜三舍近
阜口一舟杭從阜口以上渡江緣西岸入山則橫截灘險自此不復見灘矣絕渡綠荒
逕層巒起列障亭幽出自穴坡陡復于隍選勝元無意
馮生信有鄉叢篁圍作柵雜樹密如秧松蓋貪移種茶
尖想焙嘗苔紋披古繡烏語咽新簧犢讓山童健桃欺
郵婦妝寧知樂泉石自足老耕桑草草空增羨閒閒本

若忘匡廬看彷彿盤谷擬徜徉維昔虔州役徒愁贛石
妨傍灘留複道隔峽隱康莊不解催郵騎惟知覓權郎
迷方徵水陸眩目愧文章老去應重到吟編補未詳

阜口渡江後行亂山中經五眼橋福子垵下分水

嶺赴贛縣

贛山斗拔藏迴溪我行升降百折梯高出雲表雲莫齊
下臨無地穿重閨頑石塞道縮殼蟻危橋架壑飲澗霓
麤砂細礫布蒺藜藤梢竹刺勝磨笄山田貪種無町畦
官道劣堪容履鞮微茫一綫繞旋蠡有時滑澁黏糖餈
筍輿前却觸藩瓶偏仄偏仄入角鬕病僕失轡馬踣蹄

靜康齋詩集

卷十四

四

儻墜石穴白作齋征衣敢惜絮沾泥擔夫應和常含悽
輶軒在險同雞棲驚心駭聽不復稽草樹叢蔚兼貞萋
松張勁鬣楊新萋桃紅恰間香雪梨景色點綴分東西
移將平地客思迷峯巔戍卒面目黧銅鉦斨其聲嘶
垵名福子誰所題不勞守捉護耕犁太平清福忘號啼
邨婦赤腳頭不篋抱哺望官徐掩袂羣兒一闕鹿引麕
似笑官老不足擠好語乍聞養馬奚從此下嶺平如隄
中央殊高兩頭低吉贛龍脊憑分攜不因原隰窮攀躋
地脈那得窺端倪

雨度梅嶺憶李文木太守

秦塞空傳是極邊

南康記大庾嶺三十里至橫浦有秦時關其下謂爲塞上

霸圖殘

劫釀龍川海濱蛟鱷驅除久雲路鯤鵬變化全卅載蚤

看迴使節七旬誰共拂吟鞭梅關記得征衣濕舊雨分

飛倍惘然

張曲江祠

姚宋逢全盛開天惜鮮終維公差晚出致主失成功自
有導山力

梅嶺實公所開

偏教陳鑑空靈祠供羽扇想像曲江

風

舟過曲江乃聞三吾猶在翁源蓋未知余來也

暫遣拖舟入增波自曲江未須窮五嶺已復度三瀧官

靜廉齋詩集

卷十四

五

舍鳧留隻家音鯉阻雙靈池應照影空自憶翁龐

翁源有靈

池山相傳龐翁叟時見池中因名翁水

過清遠峽

禺峯七十二相對眼重青誰現侍臣相長依帝子靈禹

功殊未到舜瑄已先聽閔水經千古應憐聚散萍

禪宗通幻化古蹟慣追摹猿有思歸日寺仍飛去無但

教留勝境自足引清娛不復便登陟遙詢參學徒

沙口候潮

三水抵羊城計程一百七逍遙順流去猶勝御風疾風

師似相妒振響聚吹簷我嫌侵夜到地主訝倉卒辛苦

恤舟人牽江任收絳夜半復開頭旋同膠柱瑟曉看沙
口阻波底現蹊術涸轍在通津非潮不能出因知滄桑
幻託寓朝夕一愁蚤轉愁遲行期故難必却思甲子過
曾點篷窗筆今日候潮迎詩識宜徵實甲子過三水詩
有更煩迎取浙

江潮

候潮歌

粵潮遠遜浙潮雄平流絕少波濤洶百里逆上力欲窮
灘磧吐茹時噎胸船人借力無全功登舟入水常恩恩
推排穿距左右攻手足四據腰背弓巨靈擘山作勢同
篙頭彎彎偃月空側肩倒擔摩肩紅尻高首下角觥容
靜廉齋詩集 卷十四 六

叫嘯慘淡齊鼓隳聯檣竭作婦孺供褰裳時見頭飛蓬
事急何暇司朝饗小兒見慣偏樂從狎水不愁當水衝
況值水淺多沙壅一跌祇如杵在春上下出沒神氣融
矯捷欲追猿獼蹤未老足稱老阿童候潮潮至勝乘風
移晷僅看咫尺通穹洲竦脊如伏龍水力遂緩輸人工
嗚呼莫輕水力矜人工無潮袖手篷窗中

承祭南海神廟禮成述事

天池噓喻波羅江廟臨波羅江故
世稱波羅廟海天極目青茫茫南

宮朱鳥哆鵬味嚮明應安百谷王恭承 國慶舉秩祀

北東西海趨南方三神舊出廣利下祝融顯鑠騰朱光

皇錫命重祇告冊祝典貴蟠雲章名香制帛出內府龍

旂前導羽蓋張翳余忝廁禮官列銜命疾驅臨五羊星

瞻北斗對南極水陸七千寧阻長新春舊臘總言邁未

滿五旬旋卸裝潔齋越宿趣行事有司春祭如相望前

辛後壬擬彤繹恰喜方伯聯輕航

本省每歲兩祭必以春秋仲月王日是月

十七日壬子姚方伯成烈循例將往而牲適先期至乃致齋二日同行牲先於十六日承

命祭告姚亦陪祀

扶胥海道紀八十古今形勢殊滄桑但乘潮落泛清淺

宵龜長魚安所藏精心靜埃五鼓作靈祠列炬環齋房

連朝陰雨乍開霽史巫引人行俚俚祇愁目短或蹉跌

靜廉齋詩集

卷十四

七

內疚豈須神降殃薦裸興俯幸無失若有扶掖於其旁

牲醪筵上送芬苾金石階畔傳鏗鏘禮成三獻視燎已

心氣寧壹無徬徨更衣待旦重瞻謁自堂歷寢徐端相

九章寬服稱威重夫人宋代曾添妝

宋至和元年加王冕九旒青衣五章

朱裳四章又內出花釵九株桂蠲簪鏡署曰賜明順夫人皇祐中所封號也

六侯配食展獨

坐司空望遠魂飛颺珍木初傳佛國種江津神宇名斯

彰分風肇流或有助揚靈合許隨摩幢

配以六侯其一曰助利侯卽達

奚司空也今門左別有像達奚司空者相傳蕭梁時西域波羅國有貢使攜波羅子二枚登廟下種風帆急舉

船衆忘而置之其人望而悲泣立化廟左土人以爲神泥傳肉身祀之一手加眉際作遠矚狀廟中始有波羅

樹以故廟及江皆名波羅波羅樹者卽佛氏所稱波羅蜜也

殿中左右兩銅鼓閱古

定知經漢唐冶鑄精工色斑駁風雷送響驚重洋寇攘

自遣鐵索斷寶飾何惜金鼂亡天留神樂侑神誕恨我

遲來三日強廟有銅鼓大小各一大者徑五尺高稱之

節度使鄭綱網獻之廟中其制中空無底釘垂四懸腰

東而騰隱起旁有兩耳通體作絡索連盡金錢獨存有光

微吉如鋪邊際舊有蛙六不存而爪痕尚在存小者

瑩然大者五之一高亦稱之製類大者或謂出潯州銅鼓

難太守取之懸於四穿樓四角有金蝦蟇五為番人所

竊聲遂稍石乃歸之廟中色純綠作鷓鴣斑斜文纖麗

隱隱若八卦象內鐫漢伏波將軍鑄歲二月十三海神

誕日粵人擊之以娛神其音闐豁鏗鏘若行雷隱隱聞

於扶胥江岸二十餘里近則聲小遠乃聲大真神器也

明嘉靖中海盜曾一本謀移去鐵索忽斷不可舉乃已

或不云大者自海中浮至其鳴應潮自遭盜劫靈鼂殘缺

遂不復鳴韓碑重勒光燄在蘇詩輝映東西廊韓碑在廟東廊宋循州刺

靜廉齋詩集卷十四

史陳諫重書東坡其他立石頗繁夥非不欲觀無暇詳

有浴日亭詩刻

天文炳煥作神貺大書深刻禮所當循階徧數實有闕

補遺上邇從今倡使臣亦得附不朽願語邦君期勿忘

浴日亭邊理歸棹浮光遠隔金烏翔廟右小山夜半見日出建浴日亭於

其上今沙漲海遠水影隔絕無復奇觀衰年濟勝已無具何必振衣空陟

岡連邨林舞仰盛典夾道拜送如頽牆我無他語足慰

勞神宣 皇澤貽豐穰旋臚不假送帆便潮水未生沙

嶼妨去必乘潮落歸必待潮生否則沙閣不得動名為

廟亦非故址然無可考證惜乎碑刻如林未及徧觀若

則必有故矣 虎門信達日加已潮源於東南大洋入虎門至於波羅廟前波

濤浩森直接重溟卽所謂獅子洋也欠伸風雷噓喻潮
沙潮於十三四五日長辰戌退丑未十六七日長巳亥
退寅申十五乘未時潮退而迅發何減乘奔瀧海珠隱
去十六日乘巳時潮長而還現蚤招客出仿佛海上浮珠卽海珠石也津亭懸想羅
冠裳神應鑒我肅恭意披拂喜氣盈篷窗何來鄉語頓
清耳癡兒迎面停風檣將抵廣城而三五至

拱北樓觀元時刻漏歌

當途拔起重城闔勢與鎮海爭雄尊或傳下隱趙佗墓
中央避道開雙門螺旋幾折到樓下元時刻漏今猶存
石臺層累陟三級四壺列置頂接跟一壺高踞滿注水
下竅滴瀝通其源次二次三遞承受涓涓不絕殊遼逖

靜廉齋詩集

卷十四

九

循階傳送勢斜下嫡脈疑就芴支分銅溝製仿破竹樣
如引簷溜供吐吞典籤寄重乃末座按時呈露隨漲痕
歸墟欲溢神漢竭尾閭騰上河車翻盈虛消息借人力
晝夜晷度良不愆大書粉版列檻外六時更替窮朝暉
宵來寧復勞仰矚更點校精鐘鼓傳千秋警醒越王夢
朝臺長憶扶桑暎試從壺腹檢銘刻目所不及聊手捫
鑄作主名終未辨元帥府屬銜實繁鐫題淺俗無足取
粗識延祐其紀元巡簷周覽粵城景萬家煙火排魚鱗
幢幢往來密於蟻銜枚寂若聲不喧始知超軼塵壻外
高步直欲凌青雲珠江片石捲衣帶海舶點點萍浮根

更上一層應轉勝孤危却恐罡風掀斯樓詎止備登眺
璣衡同運通蒼旻民安作息順軌則耳目昭晰無蔽昏
近時鐘表擅工巧懷袖共誦藏天輪佩之傾側判遲速
比勘補葺徒增煩此壺製作謝雕飾但取旋轉符乾坤
不假蜍含續龍吐自覺免顧隨烏跋流傳已閱四百載
運用簡易宜永遵觀星臺上課疏密異同待與司天論
重游海幢寺

憶昔登初地重來宛隔塵迷茫一宿覺顛落百年身似
欲趨神道終期傍法輪淨名標海住應與海幢親

方丈留虛席迎賓退院先年催渾忘老悟徹不談禪法

靜廉齋詩集

卷十四

十

乳定誰飲佛衣憑屢傳羨他蕭灑意且祝緩生天

時住持本

無方化去主席尚虛退院僧朗如領衆迎客

自起毘盧閣曾邀作記來倩人殊不免掠美更堪哈妄

語證明易私心懺悔纔鄭虔雖老去鴻爪卽香臺

寺僧嘗請

余作毘盧閣碑記實浼同年鄭誠齋代作今碑勒余名然不敢掠美也

未了圓通義能書方廣經華嚴樓閣現梵夾寶函局本

爲報恩重無如供佛靈幾時歸法藏花雨欲流馨

牲於戊申

八月以母病危迫發願寫華嚴經一部至戊午四月始竣將擬裝供毘盧閣上道遠未致

禪宗欲遷化有偈問龜哥我昔留元緒居然學法和家

應憐夢鹿池每伴新鶉說戒勤來聽毋嬰江使羅

甲子從桐

城拾得一龜與白鵝同放生寺內鵝
死而龜尚存寺舊有龐運使嶼鹿冢

拄杖宜扶老隨身各有因助將一喝用賜出七旬人往

復供投贈機緣驗舊新從今木上座玉帶可同珍

寺僧以萬

年藤拄杖見貽余以手
扶邛竹杖留鎮山門

英德道中示男三吾姪三典

玉局常攜過昌黎亦遇湘宦游多拂鬱骨肉總踉蹌今
我持龍節迎神望海洋但知西笑近寧苦越吟長孤姪
因依久癡兒省覲妨參差捲輕襪次第集歸航連夕燈
花喜當筵酒瓊香離愁頓披豁絮語更徬徨注意存京
邸牽懷感舊鄉篷窗聊卽次驛路旋分張輾轉元難定
靜廉齋詩集 卷十四 十一

丁寧在勿忘精心杼幕畫潔已飭官方爲愛棠聯萼頌
懲雁斷行承家惟孝悌報國重循良彝訓吾曾聽艱難
爾實嘗敢誇喬附蔭莫負露零灑度嶺雲嵐隔趨朝日
月忙此生猶幾別後悔儻無償發詠情何極書紳義所
當水流常浩浩春去已堂堂

保昌道中示三吾

七旬已悵三年別千里聊隨半月賒祝汝總期勤作吏
送余惟望好還家獨憐父子扶攜切默數清明祭祀差

昨清明日更餘始
抵保昌薦亭遂缺

莫更前行趨嶺畔梅關嗚咽有悲笳

舟次憶三吾

江冷爲多雨，艖寬覺少兒。還因放溜急，却恐過山遲。久別已忘別，傷離非暫離。曉來元制淚，翦燭與同滋。

聞魏生蔭華

椿年

觀察丁內艱寄唁

驛路紆江嶺，離情迫阻長。遄歸圖話舊，卽次駭奔喪。宦達板輿奉，歡迎梓里光。高年期自逸，勿藥喜仍康。重寄關天庾，輕裝返豫章。寧知成永訣，頓遣促歸航。遠聽傳長慟，摧心軫鉅創。不嫌聊弛擔，特恐恰羞囊。清況應同諒，孤懷孰與商。自慙單舸下，未遂束芻將。牛磨跡常緩，鳥啼翼正忙。望塵如不及，執手定相妨。莫解瞻星痛，休教滅性傷。身宜爲國重，名更顯親揚。不毀因年減，有終靜廉齋詩集

卷十四

七

垂制常丁寧，難絮語輾轉。祇迴腸野泊，兩方急眼昏。燈似障毫端，愁氣繞字裏。淚痕藏春夏，更時序後先。趨帝鄉披帷重，勸慰酌酒薦芬芳。

憩仁和鎮

成列仁和塘，宅表大夫第。

汎側適有
此一家

江流繞襟帶，山翠

疊鬢髻。當年輕舟過，瞥見未審諦。今來僕夫飯，我亦少留憩。土俗近淳良，腴田饒種藝。村深市喧隔，徑轉林陰蔽。衰年倦行役，欲去戀間泄。既喜故鄉名，彌感卜居計。

空思茅蓋頭，幻語夢成嚙。

余至今未得杭
城一椽之居

儻借一枝安

何以異吾淪，但笑此中人。幽棲未忘勢。

卽日示警

官道馬蹄忙春田牛跡密馬倦輒遭鞭牛遲常被叱用
之筋力盡飼以芻豆畢物蠢莫辭勞人靈徒好逸虛叨
天地生實恐鬼神嫉僮奴不足道厥主宜身率觸目倍
兢兢直書戒于姪

自臨江至瑞州作

歸路溢三千排日不容懶經過瀨江郡破曉出山館春
寒輸老健稱體征衣短巖際宿雲披溝中新水滿麥隴
秀漸漸菜畦花纂纂青黃紛間錯錦段豔初澣稻田正
扶犁人牛有常伴習慣總忘勞周旋意蕭散乘時在天
靜廉齋詩集卷十四

三

還京

彈指青陽九十過嘉平從役返清和恩綸早渙春常
滿香縷度升海不波冊晉東朝廷慶永星輝南極降
祥多秩宗銜命惟常職詠罷皇華聽曉珂

招乳燕詞

寓齋領生趣梁燕育五雛云何出求食不返如驚逋黃

口惟待哺忍飢不解呼物命迫朝夕仁心感僮奴布梯
取之下菽乳填其味母子處堂日自然真性孚飲啄良
未慣毛羽旋豐腴終然背母去猶勝巢中枯茲焉強相
飼生死還同途聞以鳥養鳥莫參人力俱樊籠弗善也
卵敲足恃乎得食恐無濟且復延斯須羈羈雌庶歸止垂
斃期復蘇勿追鷹隼翼勿犯蛟龍鬚佇聽呢喃語豈獨
慰遺孤主人同賀厦敕僕宜傾壺

收飼雀雛戲作

涼堂攤書坐瓦雀學飛墮逡巡狸奴搏備豫雕籠鎖失
子惟母求不求應委我粟粒與瓜瓢供給無不可養成
靜廉齋詩集 卷十四 古
行放去檐上呼羣夥銜環非汝能望汝計先左

虛堂燕坐追和大兄與柯嗣雅表兄倡酬韻

火織憑遮碧樹梢午餘先趁鳥安巢入伏例得早退芳樽正喜
除浮蟻蔬食何妨足醉貓書爲校頰偏有誤墨因磨熟
任生泡誰攜冰雪供銷夏詩格清寒擬孟郊

松架何須倚翠巖蚤將內熱盡情芟泥金蘸出空調筆
曼雪分來且製衫襪黠豔稱三語辟縹緗雅勝百城監
行藏悟徹堂坳水幾見舟膠倩舉帆

題元王淵秋柳芙蓉圖送同年夏曖田扶黃秋部

歸孝感熊鶴嶠爲霖太史歸南昌

芙蓉颺秋江老柳意蕭瑟魚翠慣雙飛俄看借枝一應
爲惜離羣回頭如有失朋懼祇萍聚寧比膠投漆燕山
望楚水九派更歧出明明漢陽樹南浦雲遮密相送宛
同歸歸途仍隔驛蹤跡任分張情懷自專壹難教帆去
遲聊取杯行疾尋詩因讀畫筆墨重牽率悵望水雲鄉
木落素波溢長空友聲遠獨鳥復誰恤

重得鞋拔子志喜

先府君有牛角鞋拔子自姓未
生之初傳用久矣昨歲遺在熟

河旅舍極爲悵悵今年重到館
人陳叟遽出以見還喜而有作

納履便

平

踵息制器參角根

借用昌黎羅縷
道妙角與根語

物微先澤

寓旅瑣古風存不是行來慣難兼得失論拾遺蠲敝俗

靜廉齋詩集

卷十四

五

淳化驗邊垣

鞋拔子自來詠物所無再作一首

君夫八百里蹄角喜常瑩殺風景爲誰射棚武子勝名
材牛戴牛制器豈無剩業緣因善走果報宜在脛鞋拔
製斯傳踐形名自定韞結踵時決措同指徒蹭蹬二分
垂在外斷趾屨難稱膜隔不相容投隙有微徑用如距
斯脫快若舟起矧佩之雜躡鞅良足備持贈朋酒憶供
幽商歌聞叩甯躡屨總無需切磋思未罄卽今殊便事
手澤矧猶凝珍重去珠還底須光照乘短韻窘鋪張鑿
空鼓餘興詞賦例多夸詠物聊取證

奉和 皇四子 皇六子見慰墜馬韻志謝

天廐何堪借與騎謬誇矍鑠強支持馳驅久讓征夫捷
蹉跌偏蒙 聖主知裁慰雲瞻仍晝接勝逢大藥是良

醫紀 恩未就瑤篇及詩課催將痛定時

周陸騎從往來頻執策誰能選駿真祇愧據鞍疎控勒

莫嫌張去 脈失調馴輪轅自足環沙塞拜起猶堪覲玉

宸遙發底須攜酒看賡吟殊勝杜陵人八月初十日始至熱河墮馬傷

膝隨衆於惠迪吉門恭請 聖安仍騎從至師子園還

官卽蒙 召對溫旨垂詢旋命派蒙古大夫診治是日

宮門班退姓徑入書房未知 召見非荷

皇次孫引從西掖橫度中禁幾不能趨赴也

張三營示王甥馭伯虔

靜廉齋詩集 卷十四 六

鄉井久離別京華亦暫逢何期蓬梗聚却度塞垣重幕

畫經綸借筆耕甘旨供顧余悲逮養竊祿愧兼容名實

寧堪較升沈任所鍾述懷同悄悄卽事轉憧憧萍泛留

深沼雲浮戀舊峯安驅惟下澤暮景已高春折足疑占

鼎新剛慣及鋒無憂幾相見有役輒過從不假蚤攜蟹

應知柏悅松阿翁憑寄祝湖畔待支筇

畫眉簪

窺巢探伏卵簪髻比銜珠爲借畫眉嫵誰憐黃口雛籠
棲應鬪少釵墮復完無爭似桐花鳳飛隨雲鬢俱

三俊信至屢問膝傷適閱蘇詩至與頓起孫勉泛

舟作因疊用其韻寄示

維昔重儒生文武互經緯短後易長裾幾聞增感喟吾
年過伏波嬰鑠良足慰從狩匪從戎據鞍彌有味一跌

駭旁觀

毛起乍如蝟

今仍還入塞壯士復何畏療傷資

虎脛

巡檢夏熙餽此

健啖想鹿胃

前歲得之會

公膳雞鶩兼無

勞徒給餼

近蒙頌賜雞鴨

年豐芻粟賤慳用自不費簡出斷人

過無求全我貴同巢瞻去燕握手笑逢佛甯筵重罷直

冷署坐調氣

諸位

皇子

皇孫旣歸姓在甯內卽不

入直專司本部到熱河復侍

亦先行姓仍

停直歸部

拜起實云艱跛曳則猶未結襪久無張履

霜寧怯魏老雁計程歸勿煩黃口沸足瘳吾尙慙況以

靜廉齋詩集

卷十四

七

老爲諱

蹇人思上天漫勞占象緯安國墮重來然灰臍深喟我

幸傷台垣忍痛亦堪慰闔戶讀蘇詩雋永有餘味罪言

徒召謗衆矢應集蝟寬大值熙朝都教施

去無畏溟海

縱舟航曠雪浣腸胃淺深隨所得稱事乃微餼敢矜窺

語妙但苦轉辭費把筆獨沈吟連牆謝豪貴不逢江東

鶴寧禦嶺南拂便作蹇浮屠孽形葆真氣哀樂寄情殊

兒輩覺來未入塞近依關歸闕行瞻魏中夜起嚴裝風

高星影沸温酒任頻催阿誰嫌觸諱

靜廉齋詩集卷十四終

靜廉齋詩集卷十五

仁和 金 姓雨叔

恭和

御製重華宮茶宴廷臣及內廷翰林並賜淳化閣法帖

聯句得詩二首元韻 癸巳

階萳吐秀液元辰日暖彤墀恰進春 時正月十日立春 茗盃漱

芳仙露湛墨光浮帙古香鄰 恩叨曲宴時加午瑞應

宗祈典祀辛 十一日 祈穀值雪 嘉會喜瞻 天藻麗九英梅影

愧隨身

習習條風轉上林堯文義畫許聯吟三希衍派精排校

靜廉齋詩集 卷十五

十卷分籤細討尋汝絳向惟傳夾雪日星近仰寫澄心

微臣 珥筆何榮幸大化還淳誦 御籤

是日蒙 賜紫檀鑲玉如意 一柄壽山福海歛硯一方

題九成宮圖應 皇四子敕

並輦來游喜易嘖清河料事遜封倫不知竟是何王殿

貞觀之初又一新

醴泉涌出驗嘉祥千古碑銘翰墨香記得直臣曾有疏

上皇留執帝追涼

驪宮妙舞送仙音此地空思樹羽臨避暑不妨邀敕借

却從花萼見情深

增城幻出翠微中飄忽風雲少路通只是仙山樓閣景
不須傅會九成宮

奉題

皇十一子元錢記後

有序

古錢一枚其文似篆似梵

姓

藏之四十餘載復有識者

近訪之大西天喇嘛云是淨施通寶四字顧莫辨所出

錢辛楣

大昕

學士見之曰嘻是元武宗至大二年所鑄

大元通寶也載在續通鑑綱目特未著其文爲當時國
書故近人莫識耳遂出元統二年加封顏子父母制詞
碑刻校之則四字適散見其中是固信而有徵矣 皇

十一子因命工寫圖仍作元錢記以表其事蓋有慨於

靜廉齋詩集

卷十五

二

攷訂之難往往疑信參半而尤喜博雅之終在吾儒也
姓更撮舉其略爲五言四韻以跋之

但取字略識何須口不言梵書摹近佛鈔法變忘元證
有顏碑在博歸儒術尊 天人剖疑信妙理濬泉源

哭馭伯甥

不比韓康別殷浩翻教安石哭羊曇萍飄同憶湖邊艇

轂轉徒聯塞外驂意氣正緣知己誤去留如有俗情耽

浮生夢幻會何戀祇痛高堂白髮髮

連歲執河晤敘並
有歸志甥竟以主

人情重事繁小復
遷延遭疾而歿

閱唐人寶常算老重經癸巳年句感詠二絕時清

明前三日也

感興仍看經癸巳達生不藉守庚申龍蛇讖擬平安過
去臘回頭歲在辰

周甲還羸一紀全底須算老怯殘年所嗟同值清明節

寶出句云看春
又過清明節 春隔江鄉憶墓田

曾孝女

衍綸

輓詩

已未庶常歷任郴州牧長清會
尙增女也母病瘳久女年十五

許字未行乾隆戊寅臘月二十四日夜火發寢
室人不能救母促女出女掖母不起竟與俱斃
火熄出尸相抱如一體州人
爲立祠郴州江上得 旨旌表

變起三從始名超四德先曾聞女不婦正取義歸全丹
爛髮膚外烏頭霄漢邊儒林重巾幗無忝孝經傳

靜廉齋詩集

卷十五

三

南苑隨葛山前輩退直感舊奉呈

獵罷攤書講席移朝脯輿馬重追隨卽看南苑分班日

此次奉

旨分班

恰似西江奉使時在昔盛稱嚴諭教

前同在江右聞

述鄂虛亭雷翠庭諸
先生師範至今心肅

於今聊足効驅馳風光廿載渾如

昨雙鬢空慙對柳絲

五月初四日得假紀

恩

衰年交八九重五薄征途奏事先期會鳴珂競走趨風

微殊瑟縮路熟乍崎嶇強就經帷息誰收戰汗濡定知

寒蚤中頓覺氣難蘇龍種仁心惻虎門驚視瞿聞天憑

請急扈蹕儻占需

俞旨徼非望

鴻慈軫病軀清曹

良少事老馬不須驅三月方從役終朝遽脫逋留家便
醫藥伏枕慰妻孥側想翠華舉通衢白叟扶獨慙瞻送
隔無復禮文拘講席塵行積容臺跡轉孤曠瘵寧得已
安處豈常圖感激增兢悚幾時遄喜孚

五月十三日望雨作

麥秋減潤黍迎膏執熟誰能解鬱陶星蹕計程方灑道
天漿循例正磨刀苾芬典祀瞻時舉盱蠱神功信可操
閔雨久應推傳去義靈旗環合捲雲濤

是晚小雨次蚤雷雨大作梅雨

遂行

靜廉齋詩集

卷十五

四

堂東小院有竹一叢三吾甲申所種也昨歲開花
枯盡隆冬積雪壓之無復生理矣今年春夏漸

苗新叢用昔時種竹韻寄三吾志喜

宦游嶺嶠屐齒窪塵襟寧復函詩芽留栽庭竹已十載
去秋憔悴頻開花欲落偏榮怵先戒枯篠脆折難編笆
抽萌儻趁蟄雷奮殺草顧逢尺雪加豈知稚子勁節在
不怕醉迷歸夢賒淩風遲聽管吟鳳解籜頓看跼隱蛇
平安附報意差快錦裯佳兆期傳家豆籬更遣蔭深碧
前種竹時障以豆籬今擬復設雨足閒階滋昔耶

諸城相國聞

牲

屢病因垂訊有無姬侍戲呈二偈

法喜由來祇寓言散花不染離塵根文殊未到維摩室
妙諦誰參不二門

黃面正留漣子在也同枯木倚寒巖應知圓鏡齊空有
觸背隨拈了聖凡

病中示內

相看俱過七旬年賓敬應慙古有然只此得如兄弟否
清宵風雨對牀眠

承 皇長孫以詩問疾和韻奉謝

經闌愁暴疾調藥拋杯酒一朝矍鑠翁幾作亡是叟內
直禮森嚴拄杖敢隨手中官兩扶掖偃循牆走神色

靜廉齋詩集

卷十五

五

頓殊常垢面合稱耆行年七十二寧必百年壽微生感
天睠扈從輟官守給假奉 恩言榮滋返枯朽 皇孫
謬虛席燕石充佩玖新詩起我病欹枕強祇受呼兒聽
其讀清韻浮簾牖曠課遂連旬無責自知咎依然勞撫
問屬筆敏於口身遠箭拌弦心忤杵投白秋爽氣應蘇
細旃拜稽首

諸城相國見示和章依韻報謝

便從色相見真如居士何嘗盡埽除若伴浮屠演空諦
裴休應愧在中書

示病恰宜逢結夏坐經小劫日如年正教行近摩登室

神呪加持免破禪

聞內子理琴勗諸女傳習

知音何必問中郎靜好閨庭母訓長會記山園同按譜

聊同嬌女尋琴譜乙亥池州寄內詩也

仍看邸舍獨開囊離鸞雙鳳情原

別次女

玉軫金暉製自良留得外家風雅在硯應傳璿

例堪詳

內子傳琴於外姑姚孺人琴亦胡氏物佳器也諸女有傳其學者當以琴賞之

題後漢逸民傳後

物理細推期後凋人生義命難均調繞指化由鋼百鍊

挺立移得花凌霄

事見老學庵筆記

草根偏犯雪霜出玉質却

隨煙燄銷空山戢影避羔雁枯蟬何怪輕金蠋

靜廉齋詩集

卷十五

六

小蓬萊集題辭 有序

周迴川作合筠連見所屬巡司場山水之美數十里中

目不給賞得景凡十有四曰迎客峯曰獨秀峯曰兩美

合曰攬雲梯曰立仙崖曰青蓮嶠曰碧玲瓏曰蜿龍巖

曰清風岫曰僊人玉鏡臺曰千巖聚曰秀石林曰雲確

溪曰溫泉畝

博陌切井發也

而總名曰小蓬萊各系以詩寄余

同賞藏之六年未答病中檢閱為作題辭

柳州游記景重開靈境天教待逸才不遣茲邱移鄴杜

為煩仙合署蓬萊繩橋轉運隨時足

迴川屢運糧金川

藤杖扶

將幾度來六載誦詩長想像正如風引客船回

奉和 皇四子問疾三首韻

頻年扈蹕有常程祇學游仙戀鶴京宿疾頓增愁眩
天慈垂恤荷生成假寬愧似偷安計詩到珍踰饋藥情
伏枕幽憂嫌室暗驪珠粒粒借光明

仰屋誰能遣悶懷賡吟長憶傷瑤齋元知形病神非病
但見詩佳興自佳性癖夙耽忘死地病閒餘事寄生涯
不圖北渚愁余過蚤盼新篇筆硯排

皇子以和詩勞神暫留第一首嗣

聞漸愈更作第二首并寄

侍直惟應暫臥廬那堪長夏竟休居征行已覺程期近
瞻送都慙禮節疎痿痺不仁良有素支離其德儻留餘

靜廉齋詩集

卷十五

七

卽看問病參空相變滅何妨證六如

第三首則將往熱河寄懷留別原注

有見與諸城相國談禪往復云云故結語附及

點校南北史戲作五君詠不必效其體也

金行方告謝江左神人生長刀志一掃獨步驅千兵安
攘資代德篡弑開先聲愛子託人去草草關中平

鬪將爛毫翰奇奴筆勢低防身書案鼻脫命射棚臍壁
數當承宋刀鋒孰抗齊黃金土同價儉德感遺黎

宋高祖原

名奇奴見宋書符瑞志

蘭陵家禍烈終始自蕭郎代景屏藩破傾齊骨肉戕生
靈等魚鼈血食斬蒸嘗佛助期頤壽憑將宿業償

仗義翦同盟依然篡奪行艱危倚猶子嗣續借難兄天
祚及身絕山陵不日平爲傳鬚附骨却顯復讐名

據勢侔王莽同心勝呂娥力圖家化國忍聽室操戈官
甲防惟勇靈蛇蠱自麼六朝方一統兆亂復如何

從舅巖曙升煥先生晚晴軒詩集題辭

外家風雅盛諸舅例工詩謂大舅父觀宸公啓耀二舅
父楚鄰公啓熾四舅父東白

公啓紹從舅鑑張公
啓傳淹公煥也若水聯清唱琅巖先生別號擅好詞聲

華騰輦轂壇坫望旌麾共許才無敵寧知命數奇鹽車

騏驥困原草鵠悲衣食常奔走萍蓬任轉移庾蓮參

幕畫邊笥啓經帷洗劍如添僕留書卽課兒羊城五筦

靜廉齋詩集 卷十五 八

會虎踞六朝基弔古人千載懷鄉天一涯有時尋舊隱

何日遇真知氣壯欲蹉跌情深空別離風簷十三度巧

夕海天思以上六韻皆隱
括詩中所述雁去常謀稻驪存每載脂嘯

歌酬契闊觴詠慣追隨快得江山助兼包文字奇身名

歸述作憂樂借娛嬉迎燕催桃暇集中二
詩題書焚盜警遺

皆集中
述事晚晴人世重寸草子心危片羽勤收拾明神想

護持詩稿散失者多子金門垣
等搜輯成集詳見跋語開函欣受讀終卷忍停

披杖履童年侍光陰駒隙馳傳家真有託跋尾更何辭

愧奉先公集雕鐫擬重施先榮祿詩集乙酉刻於廣東
寄版漂缺尙待重刊

聽內子彈琴志喜

會聞牧犢子七十無妻空鼓琴老夫今年七十二却聽
七十老妻彈好音古來閨閣知音者衛女思歸蔡姬寡
離鸞別鶴結長悲雙鳳和諧譜自誰郝母神明徒隱几
宣文絳帳無復樂聲起姚伊姬妣君后皆神聖百年裁
得宮商應愚賤何容妄擬爲但聞警夜烏啼暮妾媵雞
鳴夫婦風雅傳絲桐靜好情纏絲瞻星射雁只似少年
事不知偕老終何年聽卿琴勸卿酒富貴壽考誰兼有
冰絃續自鳳觜膠應喜手揮長耐久放歌正足爲汝壽
十月十四日
七泰悅辰也

陳情得詩紀

靜廉齋詩集

卷十五

九

恩志喜

一從丹陛聽臚傳竊祿旋踰三十年蒲柳驚秋生意減
山林逸老 主恩全但教泛艇聊成宅豈必歸耕盡有
田經席濫竿嘗侍直夢魂仍傍虎闈邊
鄉舉回思弱冠初朝端蘭譜悵無徒作書已覺豪鋒秃
抱影惟留美疚俱晏起蚤眠同孺子吟風弄月就歸途
翠華頻幸游歌地白首元依明聖湖

青芝啓秀墓門幽三錫褒封四代優昔去幾曾完馬鬣

丁巳封樹未畢
卽覓食出游

今來長得伴松毬過家上冢浮榮暫倦
鳥投林宿願酬照耀重泉綸綍在貞珉採取待雕鏤

嶺外遙憑急遞聞癡兒寄語絮云云典司已讓夔龍侶
情性真宜麋鹿羣自解趁閒謀作室不勞行役望飛雲
文章報國終頽廢民社還看奉職勤

九日常和大兄己未見懷之作頃編錄遺稿始見
庚申尙有重陽寄弟一篇依韻志感

佳節常賡饅字詩遺編重檢觀清詞壺觴佇向松根酌
風雨催將淚點垂落帽賓朋憑見戲登高兄弟幾同時
獨留老圃秋容悴歸計先應地下知

寄姊婿王陶軒

九載前頭復見君松楸同指兩山雲斜陽返棹湖波靜
靜廉齋詩集卷十五

十

越宿離筵酒殘醺夢裏相望申舊約林間無愧免移文
歸期真箇明春遂風月行看二老分

憶馭伯甥

羨爾家聲振期余宅相全還山猶有日埋玉已無年斷
梗關河阻靈樁冰雪堅相逢方失喜應復淚雙懸

仁錢會館落成蒙 皇六子作八分書題湖山疑

秀額并附跋語獎勗肅詠陳謝

跋云金少宗伯海任先生倡建仁錢會館成囑
余署榜以顏其堂因爲題此四字或疑此似嘉
美彼中勝槩於此館未合余曰不然夫疑者聚
也成也舉兩邑之英秀而羣聚恆於斯成就恆
於斯得不歸美於此
館乎遂并識以爲祝

水脈通三折書林重八分揮毫傳鶴禁懸榜動星文日
仰中天度波迴少海濱推恩培植樸槩獎飾意彌勤

書近狀寄三吾二首

日高貪睡美門靜喜人疎引興盈樽酒消閒壓架書
輒紅留故轍虛白驗吾廬藥物扶持穩無勞問起居

流鶯傳響近候雁寄情疎南北紆長道浮沈任短書
離愁付兒女生計忘田廬待漲三篙水聊尋五柳居

再寄三吾二首

待作尋巢燕方爲退院僧顏紅徒有酒鬢白免凝冰
發帙慙塵點添香喜纓升手僵臨凍硯筆落擬癡蠅

靜廉齋詩集

卷十五

十一

寓形元似客制行略如僧事集常含瓦心情但語冰
暫聽琴一曲不限酒三升矯首雲中鶴誰爲驥尾蠅

奉謝

諸皇子 和韻送別仍贈序贈詩

長篇勤製序全韻巧裁詩但入如神筆都成絕妙辭
賡吟隨所寄獎借愧無遺虛美期徵實桑榆欲補遲

奉別

諸皇子二十首

有序

姓白丁丑蒙 恩入直尙書房中間督學江西三載至
今歲癸巳在直實十有四年夏秋久病痺廢陳請解職
聖慈俯准回籍調理明春冰泮將返舊鄉竊念入直在
未奉 諭旨分課之前白 皇三子循郡王至 皇十

二子暨 皇長孫 皇次孫皆嘗輪日侍書後又屢經
總師傅導 旨奏派專侍 皇四子 皇六子 皇八

子 皇長孫諸殿下雖年時深淺不同而愚戇之性知
無不言德量優容並微採納今自拜違令範已閱三時
然餽問之使繼踵於道見懷諸作情溢乎辭曩時一話
一言往往敘之文句瓊瑤辱贈木石知慙感極悲來淚
先承睫別無美報但寫鄙忱輒成五律二十章獻之座
右用備覽觀儻常效先民之詢芻蕘應不厭古人之傳
糟粕云爾

龍樓嘗先 去 馬鶴禁共聞雞 三冬夜直至景運門每逢
諸皇子下馬誦誦之次

靜廉齋詩集 卷十五 十一

屢聞 雞聲 侍直情多愧辭榮意轉迷常談嫌瀆進短晷惜分
攜矇眛還陳誦苔牋泚筆題

咫尺 君親戴彝倫忠孝兼古猶勞勸戒今豈待箴砭

但被恩慈渥彌欽禮法嚴中天承久照少海慶波恬

虎闈長教胄二代一堂全式穀規模近連枝則傲專鶴

原曾有勳 皇三子循郡王 皇五子
榮親王皆姓入直後薨逝 花萼倍堪憐記

釋斯干義源通常棣篇 皇四子嘗課式相好矣無相
猶矣性竊爲引伸其說

金玉精純質還資追琢章三風詳致傲九卦慎毋忘典

學功方懋親賢德乃彰權輿惟主敬日鑒凜天光

黎蒸蒙 世德怙冒仰深仁儼列屏藩重勤宣惠澤均

露華霑湛湛麟趾啓振振元氣同春益天心福祿申

武備 皇家重鳩車卽馬鞍春蒐移上苑秋獮從木

平

蘭但取馳驅貫寧須鳥獸殫開圍頻放鹿願體 聖恩

寬 秋獮獲禽有定數每圍中鹿多卽傳 旨開圍縱去

三才敷萬化一德統于誠字信豚魚格馨香典禮成還

堪返淳樸尤足助精明妙義中庸備經函講席橫

傳恭留格訓基德德斯崇抑抑常知戒謙謙自有終威

儀徵定命寅畏矢和衷五事羣瞻貌巍然作肅功

主敬仍行恕終身奉一言平施情不遠絜矩理無煩醞

釀中和氣開通道義門求仁歸克己精蘊合乾坤

用論語注

靜廉齋詩集

卷十五

三

禮嘗因菲廢奢卽與驕期節用留餘足清心鮮失宜虧

盈誠炯鑒守富亦良規數典恭勤匹無如儉德垂

行健維 家法祇承垂裕心儻焉不終日何以惜分陰

奮迅輝光發隳頹疾疢侵若華凌碧漢樗散愧成林

心田培穀種日鏡耀靈臺寡欲寧惟色藩身豈在財淵

衷常澹泊峻望轉崔嵬清淨真藏樂虛空絕點埃

德成兼藝事貞固總無頗筆正由心正形和驗氣和勵

精神自聚養壽福偏多玉體應知愛齊看黃髮皤

史學根經學千秋化理昭妍媸臨水鏡金玉備科條便

作觀優劇殊勝入畫描觚生耽點勘同好 去可煩邀

聖功期養正，曉雜易成訛。心性元通佛，詩文自有魔。莫嫌儒入墨，聊喻海先河。證道同諸子，何妨盡網羅。

嘗聞君子過，爲作小人緣。難攝羣陰伏，旋教柔道牽。縱情由下比，失意在中賢。婦寺憑推類，薰蕕蚤辨旃。

講授元分席，箴規匪異途。護田資守望，閔雨效嗟吁。出位將毋過，推誠幸不拘。坦懷長翕受，集益本詢芻。

承華昭法戒，纂輯擬成書。鑑古輪君實，標名類子虛。性嘗

擬分類纂輯承華法戒一書竟不及就更無臨別贈，那得積忱攄。短韻如

堪採分鈔付小胥。

新篇多獎飾，瑣語半塵蕪。白雪知誰屬，丹誠諒不渝。未

靜廉齋詩集

卷十五

十四

能追麗製翻，覺近迂儒衰。病江湖去，應憐彩筆枯。

暮景纔餘幾，寒松儻未彫。兩宮連祝慶，一老幸趨朝。

毓德隨年劭，論文閱境超。細旃期暫侍，佳句領瓊瑤。

奉和 皇次孫送別韻志謝並呈 諸皇子

浮生類萍梗，泛海阻星宿。殊榮列先甲，清禁觀齒胄。輔

翼廁疑丞，趨蹌森左右。頓忘散木衰，但仰若華茂。朝窺

金爵棲夕數，銅龍漏說義。備箋疏尋章，兼句讀虎旅。自

分班雞人無，隔晝戰勝卜。商肥病催沈，約瘦茹痛劇。驚

弦哽胸輪吐，綬時苦胃痛一水隱仙洲。三天別神構，桂楫佇

安流。驪駒方載驟，歸飛雲路長。優假 聖慈厚回思，昔

蹉跎誰遣保耆壽心摧性命輕跂祝德業懋

壬辰熱河墜馬正蒙

召對跬步艱難非 皇次孫掖就殿廷幾至僵仆矧荷諸天人每憐真學究

雅韻叶堦簾明珠滿襟袖二泉容寄訊九老定如舊

來詩

囑過無錫寄問樂泉

除夕謝英夢堂廉司寇餽歲

坡翁手柬訊平安遠餽清腴稱冷官鹿尾從畋分賜饌
瓜蒞隔歲助春盤也知佳趣難持贈聊寫殘牋博笑看
跋曳已慙朝謁廢敢將名紙擾門闌

靜廉齋詩集

卷十五

五

靜廉齋詩集卷十五終

靜廉齋詩集卷十六

仁和金 牲雨叔

正月三日戲詠間趣

甲午

憑將閒事成忙事催賀新年趁小年俗以此日爲小年朝賀歲者過此近

於慢

矣病榻正宜停說法藥爐聊足詫登仙閉門獨享辛

盤供待漏誰驚午夜眠賸有詩編堪料檢未經刊落僅

三千自癸卯至癸巳除夕五十年來共得詩二千九百九十八首

元宵作

火樹銀花鳳城陌紙窗竹屋羈人宅不傷寂寞不豪華

靜賞元宵老宗伯老婦不出看游人

用温公夫人語

老夫亦不

靜廉齋詩集

卷十六

一

讀周易蘋蘩薦罷魚菽陳鶴髮相看浮一白含飴繞鄰

四雛癡乞買春燈幾錢值踉蹌笑舞學秧歌擾擾魚鰕

爭跳擲尊前心去萬里外適越如尋宦游客乍因鑲印

得清閒時復呼囚檢徽纒聞陽春獄中前令淹繫甚多深以爲慮

更深退

食對卮酒還憶椿萱遠相憶兩兒圍坐總非男離吳同

占再三索黯然却似夢回時嶺海了無籬落隔慰情那

得比陶公達觀聊進杯中物酒闌燈炮詩自成睡鄉憂

樂緣皆息鄰牆暫趁少書聲就枕免教勞轉側

謝諸同年餞送卽以志別

蘭譜揚芳卅二年和平喜聽友聲傳晨星每憶人安在

今雨旋看我亦然顧影鵝鴻雲路隔同心松柏歲寒堅
東山偶值停絲竹好縱清談潞水船時將與謝未堂聯舟值其有期服故

奉題座主汪文端公松泉遺照

峩峩千丈松凌雲構天闕袞袞萬斛泉歸墟涵溟渤德
業與文章吾師負無匹廊廟仰雍容經綸參密勿澄懷
退食暇蕭灑自怡悅邱壑有夔龍勝賞寄風月西麓聽
濤亭寓園舊亭今毀奉杖頻登陟林間埽石坐曲沼俯深碧揮

塵領清談塵氛頓蠲滌宛侍謝公游寢處便山澤應知
濠濮趣正與華林協宸襟重風度尺幅雲章揭妙遠

靜廉齋詩集卷十六

二

契神心松泉想清越晚年因自號此號 主恩錫欲傳

相賞意寫照倚名筆北苑接營邱能手並時出

董宗伯邦達李

大常世偉各寫一圖

遺貌獨追神神貌乃兼得嗚呼別公久閱載

十有七精氣返台垣迷茫銀漢隔歷歷白榆間騎箕占

傳說心摧梁木壞淚作隴泉咽浮榮覩尸素頑福免蹉

跌幸荷 聖慈憐不負師門責從茲乞身去暮景餘幾

日新安一水通沿沂阻衰疾拜墓定何時卷圖真永訣

九京儻神遇猶幸無愧色珍重兩歐陽家聲長護惜

和周海山前輩再至成都次少陵寄嚴鄭公五首

兩度乘輶出 帝都舊鄉旋見換桃符賸煩土埃頻相
送敢念田園漸欲蕪使客本來如邑子官醅爲復勝村
酤車前不假飛旌旆況瘁猶應憫僕夫

南望遙吟采白蘋峨眉冰雪怕留春寧知臥病思歸客
尙待占星奉使人輾轉寸心聯氣脈間關萬里卽比鄰
飲醇何啻傾家釀更喜傳將佳句新

退直招邀祇隔溪仙源重探武陵迷心懸霄漢常依北
景迫桑榆久向西涉險任驚浮海舶破空憑騁籥雲蹄
相看總似風中絮半逐萍漂半染泥

烏絲未暇界成欄鬪捷毫鋒奮若湍在昔仰瞻天一握

靜廉齋詩集

卷十六

三

祇今歸臥日三竿鼻端自可觀虛白胸次誰能泯寸丹
講席幸多公等在報 恩惟此共思難

海門滌自濫觴微君未成歸我竟歸老去愈憐前輩少
閒來休問昨年非天衢遠隔鵬鴻侶月地新呈雲錦機
但祝持衡符宿約湖邊一棹翦蠓衣

病瘍未得成行題家信後示三吾

流行坎止總隨緣問疾須兼內外篇蹤跡未妨充大隱
情懷寧比賦中賢試將方藥元多幻夢到山林亦自便
却笑叢書歸兩版爲遮老眼卸包纏

發軔誰教旋止車還鄉無此好家居三春游賞眞岑寂

六月炎蒸且辟除，帆影暫停桃漲候。榜花仍避桂香初，
閒來隨處容高臥。美疾勾留興有餘。

食醉白蛤作

吳人常想江湖味，互物無如蛤鮮脆。津門一水載連筐，
不羨含珠珠蚌貴。勻圓枚數勝螻蟻，黏慎密口緘學螺閉。
飽饒曾記待魚死，議饌仍傳有蚶例。若教鹵莽試南烹，
入釜如聞泣顛顛。春暖催將家釀成，小槽疎雨清音墜。
舖糟暖醱堪混俗，外骨正須和骨醉。冥然應喜遇中山，
躁擾元非蟹胥類。不勝楮勺笑顏瑳，西施舌吐蘭芬細。
但與江瑤品後先，未容海月窺風致。應識書邊減一紙。

靜廉齋詩集

卷十六

四

遠過鼎中勞九沸，微生已洗泥塗辱。委蛻猶供樽俎對，
爲吾佐酒久含醺。先霑餘瀝良無愧，却憶當年得魁陸。
家鄉遠寄同斯製，殷勤借作釣詩鈞。分餉孟公投所嗜，
卽今獨享還獨唵。纔覺欣然旋深喟。
甲申會以醉蚶餉陳句山有倡和詩
竹刻蝦蟆鎮紙。外舅胡公自嘉定得以貽姓今四
十餘年矣。
會隨筇杖涉江鄉，金背摩挲夜有光。騁辯欲窮丁子尾，
取材應入女兒箱。仙壇憶掃飛塵淨，破屋休吟救月忙。
耐久幸同傳壻硯，卅年蟠螯守書倉。

立夏憶家鄉物

初夏江村節物芳，病夫屏處倍難忘。鸞含滿樹紅珠綻，

雞哺盈籃玉版香

哺雞笋見咸淳臨安志

松粉收來黏客餌青精

染出飯仙糧隨心取足今年事惆悵依然不得嘗

閒中雜詠十二首

閒中光景暗消磨物理推來感慨多蚊聚漸勞蛛布網
鳩安翻妒鵲尋窠可堪藥債增錢債聊借詩魔敵病魔
歸夢遠書同恂怍却疑庭樹號如何

不因苦筍脫朝衫又見朱櫻讓鳥銜魚菽關心催節物
松楸引領隔嵌巖頗聞薄薦偏愁餒便致珍鮮忍放饒
莫似兩京賢相國素帷裁得挂征帆

兩劉相國柩並於三月下辭起程

三春花事盛西郊卅載因依翡翠巢爲憶湖山餘勝賞

靜廉齋詩集

卷十六

五

未妨簪組任閒拋無端兩地停游屐正復孤居等繫匏
塵榻蕭然空悵望鄰牆漸見綠陰交

漢史曾傳傅相強幾人名德感諸王說經自覺多吁咈
論事殊慙過慨慷日久箴規情轉浹病來存問誼偏長
瑤章屢捧非私幸綴佩都歸蘭芷芳

諸皇子時遣人存問寄詩見懷

行館思開歲月深久知分土本同心等閒擬博千金諾
造次幾爲一語侵似比詩翁歌廣厦居然佛子闢叢林
癡兒頗念經營苦待疾餘閒爽境尋

世業真堪嗣帶經畢生著述半飄零侯芭傳得存窮巷
劉向編來貢大廷一藝專精書告備六丁待取易通靈

誰能更借吹嘘力，褒賞儒官示典型。

故遂安訓導倪山友濤先生著周易

四尚七十四卷六藝之一錄四百一十八卷子孫凋落書藏姓家者垂二十年今上之四庫全書館幸得採錄

相門佳婦出銀潢，公子仍非天壤郎。萬里獨傳餐玉法，

一家懸盼餽貧糧。楚游妻子真堪念，梁苑池臺似蚤荒。

不少莊田存陸氏，老夫仰屋自評量。

鄂少司空怡雲忻座主文毅公第五

子而莊親王婿也。罷官後奉使和闐，其家貧甚。至絕糧，竊爲籌四年之計，尚不足支三年也。

萬里行纔月魄蘇，歸裝何事更踟躕。回思枝上鶉啼急，

轉惜雲邊雁影孤。畫足已輸先得酒，含沙須避後張弧。

也知同泛仙舟好，久速無嫌各指途。

謂同門謝未堂

先公長日賦閒居，小子纔當舞勺初。水觀樓開空界淨，

靜廉齋詩集

卷十六

六

泉亭山近俗緣疎，聞詩幸足傳家事。卜築何心問敝廬，

不改當年蕭寂況。軟紅塵裏有誰如。

先公嘗於康熙癸巳和季煒公煌長

日遺懷二十首時在湖墅舊居

彈冠袞袞出邱樊，緩頰微聞及虎狔。辛苦無如百僚底，

疎慵還望九重門。且教薄福留餘福，任遣辜恩議少恩。

屈指郵書聊問疾，長安遠共日邊論。

頻看百尺引孫枝，往事傷心象卷菴。蘭畹敢期佳夢獻，

荔支或取側生宜。龍蛇自昔會知警，豚犬於今總莫嗤。

但祝小星常助月，懸弧迭報慰含飴。

湖山久作北邙山，拓地都無一席閒。聞說西溪好風景，

遠從南渡闕雲關秦亭秀脈通枝幹芝陽神游便往還
吉壤儻應留得在蚤遵治命關榛菅南北兩山殆無埋
骨之地欲密邇先
塋不可得矣聞西溪留下猶或可
尋去普福較遠於芝陽尙近也

頌病寫樂

睡起徒飽食杜門謝賓游琴基本不解書籍復蚤收何
難發繩篋僮僕方惰偷借觀二三冊笏舍亦易求隨筆
校其誤良勝還餼酬坐久苦創痛恨無欵按修投牀臥
把卷手倦目亦愁誰能空仰屋幻想供冥搜有時一篇
就徐覓標題留夢蝶乍相引何減蘧蘧周妻孥憐久病
或爲醫者尤藥物將匱竭行期頻逗留去任幾時決隔
靜廉齋詩集 卷十六 七
障私呻嘔我聞嘖然笑妙理難汝謀服官羸卅載有此
間適不此病未及死卽死亦無憂不生不死間竟得死
前休猶然怨疾疾適爲美疾羞

同年覺羅奉碩亭寬少司馬輓詩

維昔歲壬戌共聽臚句傳相從訂齒錄我於君倍年天
潢與庶姓霄壤原截然君尤慎交友杜門書課專玉堂
期集外殊少閒周旋宦海渺涯涘帆風分後先館閣人
追步遄賀陪京遷我使江左歸虎闈參曹筮君尋綸扉
入仍侍廣廈旃從茲晨夕共不殊形影連近事我堪質
舊規君可沿圭璋憑剡合倡和壘篋便諭教古所重何

以免咎愆同心我二人悶默徒帽帽我昨邁危疾

天慈荷矜憐沈繇遂一載尙滯南歸船承君枉存問慰

我行當痊是時君已病疽發逼於咽我勸宜請急毋縱

厝火燃君方重公事日直龍樓邊樞庭檢機速管領瀛

洲仙經筵仍進講不懈乃益虔養癰終腊毒一潰如奔

川給假僅踰月遺疏俄聞天 皇子感臨奠渥恩袞紵

宣於君故無闕終始榮哀全宗卿存直道伊古誰比賢

我爲國家惜淚縷應漣漣因病不能送送者多紉牽傳

聞葬法異穿壙深及泉北土謂無礙沮洳畚鍤濺

穿壙五尺浮漚膺沸而上 既往不可諫賊聽幾狂顛埋玉已堪痛

靜廉齋詩集 卷十六

八

何啻期潛淵身沒事則已子孫將庇焉孰爲鑄此錯坐

令後患延福門幸無恙地理天鈞甄吾衰不及見遺恨

聊終篇

虛擬歸田之樂輒成一篇

待作歸田客憑將田事陳稻梁謀本拙菽麥辨還眞暑

雨都忘怨秋風敢避塵鋤耔良少力饑饉有閒身督課

期無倦程功計必均井疆資草笠蠶績寄綦巾抱耒晨

先出鳴機夜未竣寒衣惟預授春酒不求醇梨棗分甘

足雞豚賽社親倉箱裁有積秉穗每憐人生意關憂樂

先疇憶苦辛松楸元在望節物薦常申因便尋山水墮

方度隰畛誰能謝墟市但喜隔城闌近局時時就遙村
緩緩巡桑陰同卓蓋莎軟卽鋪茵對選童蒙試書防老
婦嗔豆棚留話久孤樹紀談新藉洽鄉鄰誼咸教禮法
遵勉哉輸稅蚤戒爾愬官頻思善心彌逸明倫俗自淳
履霜牢刺魏流火共歌幽啓後農兼士娛情秋復春莫
輕村學究便擬葛天民負郭終何在聊爲夢想因

喜外孫王用敷廷錫入泮寄示

丹桂垂枝月影長先教矜佩染芹香花潭度曲方傳得
先得汪氏九郎喜信蘭渚臨書續寄將已覺新鶯工睨睨卽看老

鳳引翱翔我聞失喜仍銜涕爲向湖山憶阿孃時長女尚厝湖

靜廉齋詩集 卷十六

九

戲和胡生羽堯翹元給諫晦日移疾夜坐作韻

慎疾猶省愆諒無非意干精心豫攝養天縛誰能纏當
其旣相迫寧可逃空山匹如疲極馬袞塵難卸鞍霍然
自消散醒來忘夢昏依前理官事重得眠食安云何暫
請假頓覺宦興闌故知作苦語嫵媚聊增妍孺人提稚
子勸慰彌可憐不能忘情處遽思身事完斯言應誑我
聞者皆迫然善病因善退惟我窺其端吾衰分亦滿漸
同黑月圓上弦候幾望子實程期寬方看驄騁步不藉
藥駐顏儻欲竟移病正須如我年

老態

閒中追悔少年狂，病退難將老態藏。
奇字問來常不識，誤書思得已旋忘。
手僵拂紙慙毛子，睡短援衾憶索郎。
獨有山林餘興在，摩挲筇杖自飛揚。

聞周迴川解組歸里喜作

扁舟安穩蜀江回，重認門前五柳栽。
宦味向應勝苜蓿，謂曾任山情爲復戀蓬萊。
君嘗集筠連山水佳處，彙名曰小蓬萊。君方九

載辭三考我本先，歸轉後來更喜郎。
君扶侍便兩株丹桂及時開。

伏承

皇六子隸書齋榜屏，聯肅詠陳謝。
榜曰好學爲福。

靜廉齋詩集

卷十六

十

聯日題品雲山寧有諱收
羅風月不傷廉元劉因句

錫福帝王權好學，聖賢訓豈必自求。
多樂道祇循分修

吉順而祥不知亦無愠，領要漆園遺

額語出逸莊子

宗旨杏壇

近天人有深契，健筆破空運。
偉觀麗軒楹，驚采龍鸞奮。
經嬴傳世業，儒術惟待問。
干祿協時來，青紫信拾摺。
名言揭日月，珍重啓嘉聞。
拜德愧刊銘，孽戕酬短韻。

生逢不諱朝，猶凜口戕口。
六計誦惟廉，寧徒小臣守。
俠陞金人嚴，循河颺鼠走。
雲山供跌蕩，風月憑消受。
狂來或輕發，興到乍貪取。
側聽先民言，似勸諷亦有經。
用想平分道，遙庶无咎。帝子別情深，特書標座右。
追蹤篆

籀文俯視冰斯手歸船占寶氣虹月徧煙藪

今雨堂餞別分韻

會者爲賀鶴汀瓊典籍汪經耘存寬項豫齋家達朱章浦絳三

翰林何縉華胡羽堯兩給諫魏蔭華觀察徐湘芷耀祖葉諤亭和侃兩大令與余共十人各賦

五言古詩一首以何時一尊酒

重與細論文爲韻余得文字

人生不戀別漠漠浮空雲古來師友間至性感離羣嗟
余二三子餞別何殷勤朋尊快釀飲俸錢朽貫分虛堂
新雨過爽氣迴高雲肴蒸雜蘭蕙寧必啞羶葷藏鈎探
秘策設伏疑專軍號呶信所戒脫略殊可欣中酒俄太
息潞水方法法歸航便放溜決驟踰驚鷹却思今夕會
斷夢迷氤氳醉能同其樂醒宜述以文長城標五字詩
靜廉齋詩集 卷十六 十一

壇看策勳賦韻取成句十子流餘芬盈囊斂珠玉薄味
酬蒿芹蟲鳴占秋合不比炎宵蟲贈言於此寓蠲潔超
埃氛敬慎乃無敗奉職窮朝曛餘閒更稽古經畚休曠
耘恩華臺閣近治績循良聞明堂有梁棟未忘般爾斤
殘年守邱壑福曜臨榆粉湖山多勝地猶足邀使君新
篇續舊譜辟蠹馮香芸

汪時齋

承霈

農部蜀行紀事草題辭五首

長卿空難蜀子美屢游川但有文詞壯都無武略宜簡
書邈上佐戎幕借吾賢頗牧禁中出旌麾頓肅然
中權資碩畫小醜警英聲心爲三軍懼身從百戰輕摧

堅凌死地伺隙縱奇兵整暇真名士雄篇立馬成

險盡魚鳧境命懸矢石間正因干吏議却喜得生還天
鑒捐軀志恩留橐筆班殘年重接武闔闔候開關

萬壘雲山隔千尋波浪飛依然趨省闈長得侍慈闈祇
覺身名泰無嫌心事違和平唯養福隨處可忘機

居幸長安易詩摹蜀道難郎君信神勇朋舊尚心寒佇
聽鐃歌奏先當露布看策勳餘慶在流涕憶文端

性竊編輯

皇五子榮純親王遺詩一卷爲焦桐

賸稿以授

皇孫藏守

皇四子因作徵啓廣

蒐遺佚仍賦七律二章卽以焦桐二字爲韻見

靜廉齋詩集

卷十六

三

投依韻奉答

莫嗟虹采頓煙消色界長留劫火焦掇拾蚤知珠法淚
編排爲怕露晞朝情深花萼文逾豔夢入池塘境已遙
佇見殷勤劄劄就印來名墨用蒲韶

飛蓋頻瞻桂苑中賡吟練響勝絃桐微生未逐應劉逝
良會仍多枚馬同但有藏賤如脫簡總教出手叶旋宮
鴿原便作嚶鳴倡珍重裘成集腋功

奉謝

皇四子

皇六子頌供藏佛

浮生夙慕清淨退投老曰歸慙愧林臨歧珍重 兩皇
子檀施欲分布地金我從 皇子乞功德七種聖財輸

佛力致盥辭謝以佛像請像法任世留善根歡喜心生極樂國奉

佛闢佛何必同

皇四子闢佛皇六子信佛

性海總隨諸筏通供養

承事得饒益呵佛罵祖仍宗風竊聞 皇子見地異甘

露門開疑有二我爲證明歸一空能捨真能作佛事展

軸翹勤細瞻仰寶繪精工窮梵相廓清三界振威神降

魔示現金剛藏天女散花龍獻珠波旬摧敗梟其顛騰

空慧劍普調伏仁育義正通吾儒靈龕別啓五軀塑佛

骨茶毗傷雙樹舍利同收育王瑱印出香泥妙相具梵

書銘背想秀行爲呪爲經爲佛名但習華言誇識字今

朝相對晴空瞳獨有一尊不盈寸云是大西天所獻番

靜廉齋詩集

卷十六

七

僧灌頂髻中藏隨地護持蠲厄困我行水陸元無阻先

路更欣然寶炬卽看瑞靄燭南天敢請離愁覓北渚歸

來丈室自垂簾祇將宴寂爲莊嚴眞言會探大方廣名

香一炷開經奩儻幸殘年獲慈祐少海餘波挹星宿長

資禪誦祝 國慶重到虎闌觀齒胄好憑香火舊因緣

留與兒孫種福田不羨滿籬常拜賜紫金光聚禮金仙

登舟三日雜書紀事四首

養疾久遲留拔足尙輕矯檐帷挾風翔白頭雙去鳥東

門資點綴獨愧吾徒早

門生汪經耘何縉華輩候於沙河門者二十餘人

逡巡

揮手別陳迹慨鴻爪前日贈言存

頃因袁生楚材文郡請雜綴三千餘字用

作贈言諸生
多傳錄者

立身毋草草於時季秋朔田野刈如掃境
靜愜心空緇塵著衣少跂望潞河灣昏黑行未了東南
大星上映水玉瑜倒天文昧習見乍喜梳燈裊

城隅繞隄轉燈火真如星肩輿初涖止送者車已停登

舟見吾女

謂次女

迎笑如在京我心獨閱默明日難爲情

一男支外事行李方縱橫阿姊助握擋杖履兼扶擎晨

雞旋催去南北分歸程母子抱持哭老夫涕自零蚤知

添此痛不如無此行還京見汝妹

謂四女

又將雙淚盈父

母總遙憶特憐汝孤熒汝女次及事

其次女字嘉善錢氏將有行矣

遠

送行南征兩老幸無恙佇汝重歸寧

靜廉齋詩集

卷十六

十四

遠別苦悲傷長途戒憂恐忽傳淮黃決萬族委沈冢三

女方從夫湖孺一官冗

時姚晉年墮方監掣淮上署當湖黃三女從焉

驚疑欲

魂斷展轉徒衾擁更闌稍倦睡別舫頓呼洶濫炎

去何

妄起篷頂爐飛汞

舟人不戒於火鄰船呼救得免

置身水火間上下睜

占動正如湯淪爾必死乃惟蛹須與幸撲滅實荷靈祇

矇中宵膽幾破老婦目尤腫救焚儂僅免拯溺彼方聳

心旌長搖搖恨乏鳥翼瓊

防火幸風息風息舟行遲縈紆僅一舍糧艘正參差川

路淺尤窄緯繩交絡之我如在羅網寸步不得移無緣

遣鬱悶游思俄北馳同僚嬰罪罟

時補亭總憲與蔣賜榮吳壇兩侍郎猶在

西曹徽纒方侵肌解澤定非遠倪倉場先已降職編修入直三公當亦即可微恩也
我去弗及知何當傳好語快踰放溜時似此偶羈滯猶復愁煩爲

題天津張氏思園

園爲張中翰虎拜別業張爲何縉華分校所取土

赤欄橋畔柳陰深未到閒庭生隱心高閣自臨人境外

清灣偏稱客舟尋門有支河傳是元時海運入口故道地肥霜老添新茁

樹密巢多送好音曠望正饒平遠趣堂開寧必玉山岑

情深堂構署思園東望榆關世業存祖籍臨榆有別墅焉命名思園者以此

乍喜水環垂釣石漸看樹引讀書根高談共羨青松

把雅詠初傳紅藥翻正恐他年勞侍直却從綸閣憶蓬

靜廉齋詩集卷十六

五

門

卅年宦海引船回小住西沽一宿纔旅次感秋佳節近

時重陽前三日名園埽徑故人開移樽殊負延賓意主人有雅設余以日

暮不及酌而去攬勝聊同走馬催留飲便須經十日後期六載

儻重來

不寐

九月十一日時至青縣

耿耿憐魚目如臨沸釜驚睽乖判火澤離照飭戈兵妖

亂經年伏威稜計日平安流忘涉險暫遣警歸程時壽張逆

賊王倫倡亂舒相國奉命會兵擒剿

臨清感詠并序

臨清爲兗豫水陸之衝戶工兩權在焉商賈輻輳閭井
浩穰固樂土也余於壬子癸丑丁巳戊午己未庚申嘗
往來就館其地此邦人士如馬氏江氏馮氏亦間有文
酒之會自庚申入都後向時東道主人已去官卽世聞
其身後零落之況惻然傷懷辛巳春扈從 東巡因得
重過曾作五古一篇志慨仍憶當日同事諸人亦更無
一存者頗欲一訪此中舊識而竟不暇及也今秋歸老
泛舟南下中途聞警觀望幾四旬達臨清城郭人民舊
觀頓失念余方困阨之際惟茲土暫爲棲寄漸得拊翼
奮飛今幸獲退休而舊游之地一旦遂至於此毋乃半
靜廉齋詩集 卷十六 十六

生之出處有與臨清相爲終始者耶感舊吟成聊敘其
未盡之意時乾隆甲午冬十月初八日也

幾度延薰清署

樞署題額

來長吟踞石蔭高槐劇憐花縣餘

芳歇

主人爲癸卯同年潘志霖瓏

不見漳濱倦客回豹尾幸曾參函

簿鼈磯

鼈頭磯關旁地名

猶得認崔嵬寧知投老重經處畫角

哀聲捲劫灰

南旺分水龍王廟

分風送客邠亭神分水通舟南旺靈三分助南七歸北
五雀六燕誰均停嘗聞清濟貫河去伏流迸出凌滄溟
海潮上擁滙於灤魚鹽之利傳千齡汶陽自昔濟所會

厥性當復如驚霆北東同阻泰山趾泉脈騰沸羅天星
珍珠鈞突省區別陂澤鍾美留涵渟投閒似失川后意
職貢故嘗通充青一從運道界湖出引泉灌河相緯經
此中自是水府脊南北捷下皆建瓴哀多益寡勦調劑
沿洄那得齊揚舲騰波赴壑兩分背疑辨淄澠判渭涇
洛書左右列奇象強弱豈云惟所丁蓬山鼎峙待傾瀉
斗杓珠映懸清冷憑教測驗以枚數上不遣參差踰寸
莛銅壺殘漏爽分刻尚煩挹注重丁寧神功默運不思
議龍算雨點窮畸零水官受職奉水則如凜餘滴干天
刑九州方物展禹績五服田賦歸虞廷神倉轉漕去重
靜廉齋詩集 卷十六 七

歲事銜尾翕集干浮萍河公於此擧樞軸斟酌羸縮隨
流形朝宗未得比四瀆委輸直欲瞻皇局長安索米往
來客共飲神貺宜鐫銘景福舛蠻寄噓喻秩祀永升明
德馨南三北七自幼聞之故述之云云篇中洛書左右
與蓬山斗杓皆準此及查明史史槁宋禮傳皆作
四六知其誤矣因循未改適見湧幢小品運河一條
正作三南七北未審同異之由然吾詩要自有本也

渡河赴清江三女來迎喜示一律

驚心幸免魚頭厄笑口方看鷓首回莫向關河問留滯
正從兵火避喧塵頻年美疾終無恙今日更生各再來
姊妹京華猶雪涕豈知迎侍已顏開

清江喜晤同年陳玉盟大復觀察

閉門覓句心偏遠投轄留賓興自超笑我扶筇同蹙躡
愧君解組蚤逍遙驚波且喜南河定伏莽仍看東郡銷
垂老餘生幸萍聚劇談何惜久停撓

邵伯埭懷古

謝公初未起頗亦似殷浩泊乎賭墅勝已遣苻堅了平
時小兒輩未見處分蚤用意與神謀桓冲猶不曉却笑
老兵愚壁後人多少半生游山屐折齒應絕倒情爲國
家慶鎮物豈嫌矯宗社大勳成萋斐小人巧側聽撫箏
歌淚痕鬚上繞傷心華屋處夢協白雞兆風流擅江左
六代殊草草淝水忘指蹤英聲久縹緲至今甘棠愛徒
靜廉齋詩集卷十六

六

藉湖埭表一墩乃強爭荆舒故多擾

至日抵揚州東未堂

逡巡長至節寂寞晚歸人君已安魚膾

謝歸以
三妾從余方作

雁賓揚州花月好謝墅管絃新不爲渡江急真應住及
春

同門共憂樂絕塞幸遙歸瀛海追仙侶萑苻脫賊機潮
通三折水興劇一帆飛選勝西湖蚤還來訪釣磯

游金山作

金山正似天漢螺中江砥柱迴盤渦化城浮動俯無地
佛髻雲涌藏巖阿舊傳寺本就山裹山作漁翁寺作蓑

我來繚繞訪空界如入瑤戶隨透迤禪棲冥冥縮蝸殼
丈室歷歷懸蜂窠鉤心鬪角莫相讓雙樹失勢拳枝柯
妙高浪得美名耳山椒略取平不頗乍明乍晦迷向背
漸陟峯頂凌嵯峨海門極目一長嘯彷彿潮音通落伽
滄桑翻覆限塵劫幸免汨沒理則那景純有賦頌水德
墓石永避江沙磨相輪高揭送鈴語始悟別有窳堵波
江天閣已過瑤半只恐更上驚羲娥左右迴旋自升降
晚齋集衆鳴靈鼉翠微行殿仰黃幄江操閩說森天戈
樓船環合演八陣風帆斗折龍騰梭却想韓家軍勢壯
此地設伏終如何定知兵燹少紆阻高下飛逐輕蓬科
靜廉齋詩集

卷十六

七

欣逢 大閱海疆靜岷峨萬里流恩波武緯文經歸廣
運 祖德續述留賡歌綠廊石刻密於贅乾文紉縵星
周羅玉局風流袞異代疊韻垂和追先河佛印故非真
佛種箭鋒遽足欺東坡我無玉帶可決賭默然但欲師
維摩中冷泉好泐江底神瀆上涌僧廚多品泉 睿賞
標第一證明法乳盈娑婆一椀初嘗風舉腋疏瀹靈府
催吟哦病餘殊減濟勝具勞筋暫息忘驚疴山僧迎送
共趺坐談諧不厭鄉音訛 知客與主
僧皆浙人 未知戒行具足否
得金頗羨裴頭陀釀泉香冽許酤我 本山以泉釀
酒是日買歸 好飲
米汗宜無他日斜風急理歸棹登臨草草如遭河橋竿

矗立對京口枯莖撼撼攢秋荷扁舟亦苦久留滯擬借
瓜步爲行窩泊瓜洲候潮凡十日當年南北往來慣幾回發興頻
蹉跎候潮潮阻慰宿願珍重江神邀我過焦山尙恨未
兼到何日古鼎還摩挲

輓親家莊對樵綸渭同年

竊稽循吏傳罕與孝義俱倫理信兼盡全歸應不誣莊
生齊年契作令東海隅自武康調定海撫字乃如子疾痛時侵

膚離政切民食紛錯元多途調劑實兩利好蠹爭睚眦
遷牧向西夏甘肅寧州左降還東吳左遷發浙補上虞仍調定海大吏久

偏聽論議常齟齬因事輒波及苦將文法拘歸養本素

靜廉齋詩集卷十六

三

再被降調志遂乞養歸寧計田園蕪高堂躋大耋尙撫荆枝娛甫

南廬相承明府暨令伯與常松承郡丞年皆八十餘林居樂志與常實姓癸卯同年也琴尊侍游

賞容色滋婉愉風樹豈常靜夜寒嘯孝烏耆年猶孺慕

卒年六十二不毀神已癯晨興示微疾引臂稍待扶寢食固

如舊醫師隔縣呼不知何所感預識年運徂頓作永訣

語忱心愁貌孤旋敕具廚饌招延同志徒談諧日將夕

送之臨路衢漫云傾別酒羣聽方挪揄明朝有他客迎

送仍階趨賓退返寢室趣召家人須據榻便瞑目危坐

非跣趺逡巡醫者至徒恨不疾驅有生孰無死茲死其

仙乎仙非儒者重性盡命不渝陰陽通晝夜夢覺隨朝

哺得正斃斯已闔戶捷轉樞寓言誇蝶化底用欺凡愚
顧惟至行備治蹟民信孚私諡不敢議薦俎陳笙竽定海
向有匪我婚姻故鄉評無墓諛忝附舊史氏誅德枯毫
濡采風俟異日哀歌先束芻

輓樂泉官傅

三天已幸同歸隱九老曾無一愁遺不恨仙階君上蚤
正緣塵劫我來遲性情自得林泉樂名位羣推保傅宜
溫絳垂袞 恩禮重星官誅德更裁詩

輓毛鏡浦

輝祖少常

登瀛踰卅載老友得毛公竊喜論文契徐參養正功春
靜廉齋詩集 卷十六 三

官聯事近秋彌侍班同慷慨標真性淳深見古風病夫
輪體壯別緒恨途窮天府賜金重星垣輓句工飾終惟
禮備感舊轉心忡尙憶直廬接隔窗燈影紅

食何首烏有感

待得黑頭白重飡何首烏童年認佳果大藥笑仙臞叢
碧晨星盡 戊戌讀書范氏叢碧樓嘗攜餉同學不以爲佳今故友盡矣 軟紅歸棹孤

遇君嗟已晚衰病不堪扶

吳門喜晤同年張丹五

鳳書

郎中賦贈志別兼訂

後期

吾祖牧師宗後來君秉鐸蠻宮附名宦齋潔奠尊爵孫

枝沐先澤杏苑偕看花齊年述遺愛歡洽猶一家中外
各浮沈仕途或萍聚所欣國子師春司旋接武吾衰宜
引去君方侶夔龍塵鞅厭羈束高蹈殊從容汎汎潞河
舟後先適追逐正如同隊魚沿流任潛伏驚波忽山立
迸散不復知安瀾重相值未須論速遲吳門一執手暫
作隔年別阿咸邀守歲小阮履觀攝令吳中君暫留度歲喜對竹林雪
時屢得雪開春揆杖屨灑落歸滇南不愁萬里遠侍行三索
男侍子屈指途所經恰應從浙水訪我共娛游西湖勝
西子

在淮或傳馮芍渠

元邁

親家物故到蘇把晤大笑

靜廉齋詩集

卷十六

三

索詩戲贈一首

馮唐久不遇鬱鬱終晚達向使竟無年云何得披豁我

識大馮君

癸丑前輩載磨元欽掌科三吾婦翁也

清廟應疏越一朝玉樓

賦感舊每惻怛小馮古循吏所至民生活

自祁陽令遷忻州牧宦

海詫波翻棠陰嗟本撥轉眼靖風濤餘膏在株枿何人

傳惡耗塵世俄屣脫忘情吾未到燭淚欲流跋歸舟泊

吳門刺探稍窺闔逖巡知大謬聒耳恨鷓鴣明朝君過

我交手白鬚捋失喜慶更生注死籍應抹君旋索左券

意取確不拔我筆良有神生機含潑潑詛祝損益聞臺

端試迴幹

嘉興見錢文端公行述題後

嘉禾長水俗名還鄉水仕宦在朝者輒得

生還其鄉見公拜 賜詩子告
遂頤和還鄉諺如約句元注

已渡還鄉水長懷戀闕心
天閑憐老馬暝樹見棲禽
前輩流盡歸途感慨深
神仙仍不愧勇退是知音

十二月廿三日將抵北關望皋亭山感詠

樓居參水觀山色對皋亭不厭吟
髭白長留老眼青移
家違養志埽地失先型
夢斷仙游枕風迴宦海萍輕舟
趨梓里積翠認巖扁攬勝心隨遠
裁詩涕欲零

二十七日展墓

泉臺應復疾之憂歸棹偏教久
滯留涉險經時微覆露

靜廉齋詩集

卷十六

三

全生急景傷松楸卅年儻訊登朝事
百歲先防入地羞
魂魄瞻依容有待呼號那得淚痕收

靜廉齋詩集卷十六終



